


HINGPIT NGA PAGTOO

 Langitnon namong Amahan, mao kana ang among katuyoan karong gabhiona. Nagkatigum kaming tanan aron nga magtoo lamang, magtoo lamang kang Ginoong Jesus. Adunay mga ania dinhi, karong gabhiona, nga mga masakiton ug mga nag-antus, ug among ginapahinungod ang among—among—among panerbisyo karong gabhiona alang sa pagpang-ayo sa mga masakiton ug sa nangadaut nga mga lawas. Karon, ingon nga bag-ohay lang gikanta sa mag-aawit kanang maanindot nga himnong, *Then Jesus Came*, hinaut nga moanhi Ka alang kanamo karong gabhiona, Ginoo, ug ayohon Mo ang tanan nga nanag-antus, ug nga wala na'y usa nga maluyahon sa among taliwala karong gabhiona. Itugot kini, Ginoo, ug tabangi kami sa diha nga motan-aw kami sa Pulong karon aron nga makakaplag kami og igong pagtoo para sa niining takna. Amo kining ginapangamuyo sa Ngalan ni Jesus. Amen.

² (Kang kinsa kaha kini?) Aduna'y usa ka pares sa antipara dinhi, nga nawani ni kinsa man, ug nakita dinhi sulod sa simbahan. Kung kinsa man . . . kung ikaw man ang tag-iya niini, bueno, ania lang kini dinhi sa entablado, ibabaw sa pulpito.

³ Karon, nahibalo ako nga nagatrabaho ang kadaghanan, ug kinahanglan nila nga makapauli og sayo, ug busa dili ko mowali og hataas kaayo; ug dayon aduna pa'y linya sa pagpaampo alang sa pag-ampo para sa mga masakiton. Nagahatag kana kanako og kahigayonan aron—aron maapas pag-atiman ang pipila ka mga gikinahanglan-atimanon-dayon nga kaganina pang atua didto sa lawak, nakita ko sila bag-o lang sa wala pa ako misulod, ug kaganinang hapon. Ang uban kanila, siyempre, masakiton, masakiton na kaayo ug nagkagrabe pa. Ug sige-sige akong magduaw, usab, ug mag-ampo alang sa maong mga masakiton. Makita ko ang kamot sa atong Ginoong Jesus nga nagapang-ayo sa mga masakiton ug sa mga nag-antus, makahibulongan gayud Siya!

⁴ Karon, dili gayud kita kanunay makapahigayon og niining mga panerbisyo sa pagpang-ayo, tungod kay kita kasagaran . . . nagaabot ang Balaang Espiritu kung aduna ma'y kahimtang nga gikinahanglan-atimanon-dayon, ug hibaloon kini mismo dayon, ug tawgon kini ug magsulti og usa ka butang bahin niini. Dayon ang uban sa mga niini, aba, ato na lang . . . mahimong dili pa man gyud grabe, busa ato na lang usà kini ginalabyan. Ug nahunahunaan ko, ingon nga duha na ka higayon ako nakaanhi karong adlaw, angay lang nga ihalad nato ang usa ka panerbisyo alang sa pag-ampo para sa mga masakiton. Nagatoo ako sa pagpang-ayo sa mga masakiton. Nagatoo ako nga usa kini

ka sugo diha sa Biblia. Dili nato mahimong iwali kana, nga wala ang . . . ang tibuok nga Maayong Balita, nga dili kana iapil.

⁵ Karon, mahimong . . . wala pa ako kabalo niini, wala pa ako nakapanawag sa balay karong gabhiona, mahimo nga sa sunod Dominggo makalahus na usab ako dinhi. Ug kung kamo—kung wala mo'y madunggan gikan kanamo niining semanaha, kung dili kamo mapahibalo ni Billy (mahibal-an niya medyo sa ulahi na niining semana), kung wala mo'y madungog bahin niini, kung ingon-ana maania na usab kami sa sunod nga Dominggo; tungod kay nagahatag kanato kana sa Adlaw Sa Pamoo, nakita n'yo, aron nga makapahulay, ug busa . . . o makapauli. Kita n'yo? Ug busa paninguhaon namo, kon itugot sa Ginoo. Karon, bueno, kung wala mo'y madungog . . . Siguro hatagan kamo ni Billy og kard, o sultihan kamo sa kung unsa nga paagi sa panahon sa panerbisyo, busa kung dili siya makapanawag ninyo, kung ingon-ana makabalik ako para—para sa niining moabot nga sunod nga Dominggo. Kung, Igsoong Neville, okey lang ba, usa ka panerbisyo? [Nagapakigsulti si Igsoong Neville kang Igsoong Branham—Ed.] Oh, maayo kana.

⁶ Kung aduna ma'y gustong makahibalo, sa niining gamay nga si Collins, dinhi. Ug niadtong panahon sa paghisgot bahin sa Pito ka mga Selyo, gisultihan sa mga doktor kanang bataa, nga may rheumatic fever, nga kinahanglan na lang niya maghigda ug moinom pinaagi niadtong usa ka tubo; kadto—mao na lang kadto. Ug gidala siya sa iyang amahan ug inahan balik sa ilang balay ug gibutang siya didto sulod sa kuwarto, nanag-ampo alang kaniya. Ug bug-os siya nga giayo ni Ginoong Jesus, og mibalik na siya sa pag-eskwela; ug ang mga tagdumala mitawag kanila bahin niini. Busa nagpatawag sila og espesyalista nga mihulat didto sa maong bata, ug dili ang inahan makatoo . . . Dili ang amahan makatoo sa usa ka butang nga sama niana, ug gidala nila ang maong bata didto para sa usa ka pag-eksamin, ug normal na siya kaayo ug naayo na. Kung ingon-ana, miabot si Jesus, nabungkag ang gahum sa manunulay!

⁷ Kabalo mo, katingalahan gayud, gusto ko unta mohangyo sa kang kinsa man nga kantahon kana nga kalantahon karong gabhiona. Ug samtang nga nagapangalagad ako didto sulod sa lawak, ania na kini, aduna na'y nagakanta niining, *Then Jesus Came*. Kung kana—kung wala'y mikanta niana, mihangyo gayud ako unta nga adunay mokanta niini sa dili pa ako—ako mosulti karong gabhiona. Busa, Iyang—Iyang ginapamuhat gayud ang tanang butang sa husto.

⁸ Karon, daghan kaninyo ang magahulat pa hangtud sa buntag, kadtong mga halayo pa ang biyahion, ug akong—akong ginapasalamatan kana—kana nga mga pagpaninguha. Ang uban kaninyo mobiyahe pa pauli karong gabhiona tungod kay kinahanglan pa ninyong motrabaho pag-adlaw, pagkabuntag,

ug ako—kabalo ko nga malisod kini. Ug dayon pagmahunahuna ko, ug makita kana, . . .

⁹ Aduna usab ko’y modo, kabalo na mo; nagakasapot usab ko. Nagaabot ako sa punto kon diin ako’y. . . Ang nagapamodo kanako, maoy kon diin nga masobrahan ko sa pagtrabaho nagakasapot ako, ug nagaabot si Satanas nga mosulti kanako, “Aba, wala ma’y nagapalangga kanimo. Wala man ka’y ni usa ka amigo dinhi sa kalibutan, kita mo.” Ug busa nga . . .

¹⁰ Hinumdumi, dili ako luwas sa mga pagtintal. Kita n’yo, kinahanglan ko usab nga daugon kana. Dayon pagtan-awon ko balik ug tan-awon ang usa ka butang nga sama niini, ginabalik ko kini mismo sa iyang atubangan ug moingon, “Unsa man diay kana?” Kana ang nagatabang kanako nga maka—makadaug. “Unsa man diay kana?”

¹¹ Sama sa usa ko ka higala, nga nagatambong sa—sa mga panagtigum dinhi, aduna niadto og usa—usa—usa ka grupo, medyo usa—usa ka grupo nga wala nagatoo sa Balaanong pagpang-ayo, nga miduol bag-ohay lang sa niining batan-ong lalaki ug gisultihan siya, “Kanang ingon-anang butang nga ginawali nila dinha mahitungod sa nianang Balaanon kono nga pagpang-ayo, walay pulos kana.”

¹² Ug kini nga lalaki nagapuyo didto sa Kentucky, didto mismo duol niadtong tiguwang nga babaye nga, sa diha nga didto kami sa Acton Campgrounds, nga naghimalatyon na kaniadto tungod sa kanser. Ug mitambong ang iyang igsoong babaye sa maong panagtigum niadtong gabhiona uban ang usa ka panyo nga anaa sulod sa iyang dala nga puyo, ug gitawag sa Balaang Espiritu ang mao nga babaye didto (ug wala pa ako nakaadto sa nianang lugar kaniadto) ug gisultihan siya nga “aduna siya’y panyo sulod sa iyang puyo, nga gisulod niya didto, nga dala gikan sa iyang balay, ug nga ang igsoon niyang babaye atua didto sa usa ka bungtod, nga naghimalatyon na tungod sa kanser sa tiyan. Gisurender na siya sa mga doktor.” Ug ingon ko, “Pauli ka og ipandong ang mao nga panyo sa maong babaye, kay MAO KINI ANG GINAINGON SA GINOO, ‘Mabuhi pa siya.’” Ug mao kadto ang gabii, nga abi sa ilang mga silingan atua ang mga Salvation Army didto, sa diha nga si Igsoong Ben miadto didto, ug dayon gipandong ang. . . Ug—ug dayon kadto nga babaye hingpit gayud nga naayo hangtud nga siya na mismo ang gatrabaho sa kaugalingon niyang mga buluhaton ug sa trabaho sa iyang silingan.

¹³ Busa kini nga batan-ong lalaki, ingon nga nahibalo niana, miingon siya, “Kung ingon-ana isaysay mo ang nahitabo sa maong babaye! Mao gyud kadto. Isaysay mo; nahibalo ka nga aduna siya’y kanser. Ania siya sa Louisville kaniadto ug gioperahan siya sa mga doktor, ug basta na lang misurender, ‘Itahi balik, ibalik na lang siya. Wala na gyu’y mahimo.’ Ug karon

hingpit na gyud siya nga normal, naayo na.” Miingon, “Isaysay kana.” Mao kadto ang naghusay. Kita n’yo?

¹⁴ Kabalo mo, diha sa Biblia, nag-ingon, “Ug dili na sila makasulti pa og unsa man nga dili maayo, tungod kay anaa na mismo nagatindong ang maong lalaki sa ilang taliwala, nga kaniya nahimo ang maong milagro.” Dinha kon diin kita. . . Ginabutang kini si Satanas ngadto sa kaulawan, dili ba? Atua mismo nagatindog ang maong lalaki kon diin nahimo ang mismong milagro.

¹⁵ Nagabanhaw ba ang Dios og mga patay? Ania ang usa ka lalaki, mismo dinhi, nga gibanhaw gikan sa mga patay. Nagapang-ayo ba ang Dios og mga masakiton? Oh sus, mahimong mopataas ang mga kamot gikan sa tanang dapit. Nagapang-ayo ang Dios og mga masakiton. Ug nahibalo kita nga Siya ang maong halangdong—ang halangdong MAO AKO, dili ang halangdong “Ako kaniadto” o “ang sa umalabot”; AKO MAO. Husto kana. AKO MAO, kana’y “presente sa kanunay, sa tanang dapit, sa tanang panahon”; ang mao ra sa gihapon kagahapon, karon, ug hangtud sa kahangturan.

¹⁶ Karon, sa pagdali, atong ablihon karon ang atong balaang Biblia. Gusto kong basahon ang usa—usa ka bahin nga—nga basta na lang kaniadto “nagapahinuktok kanako” pagmobasa ako niini. Ug gusto kong magpahigayon og usa ka linya sa pagpaampo karong gabhiona, ug mag-ampo alang sa tanan nga gustong maiampo.

¹⁷ Ug karon magbukas kita diha sa Marcos, San Marcos, sa ika-11 nga kapitulo sa San Marcos. Ug atong sugdan basahon sa—sa mga ika-22 nga bersekulo sa ika-11 nga kapitulo sa San Marcos. Ug daghan kaninyo ang nahibalo na niini nga Kasulatan, ilado na Kini kaayo. Mao Kini ang Kasulatan nga akong ginahunahuna kaniadto, Igsoong Russell, sa diha nga kadto. . . sa diha nga nakigsulti Siya kanako ug nagsulti mahitungod niadtong mga squirrel. Ug kini. . . mao kadto ang mismong Kasulatan nga akong gihunahuna kaniadto. Usa kini ka dugay na nga makapalibog. Miingon Siya, “Kung moingon ka”; dili nga “kung moingon Ako”. “Kung moingon ka!”

¹⁸ Karon, basahon nato.

. . . sa mitubag si Jesus miingon kanila, Tumuo kamo sa Dios.

Sa pagkamatuod nagaingon ako kaninyo, Bisan kinsa nga mag-ingon niining bukid, Pahawa ka, ug lumayat ka sa dagat; ug dili magduhaduha sa iyang kasingkasing, apan motoo nga ang iyang giingon mahimo; siya makabaton niini.

Tungod niini nagaingon ako kaninyo, Ang bisan unsay inyong pangayoon, pinaagi sa inyong pag-ampo, toohi nga inyong madawat kini, ug kamo makabaton niini.

Ug sa tanang panahon nga kamo magatindog sa pag-ampo, ug may diyutay kamo batok sa uban, pasayloa sila ninyo: aron nga ang inyong Amahan usab . . . aron nga ang inyong Amahan nga atua sa langit magapasaylo usab kaninyo sa inyong mga paglapas.

Apan kung kamo dili managpasaylo, ang inyong Amahan nga atua sa langit dili usab magapasaylo sa inyong mga paglapas.

¹⁹ Karon, ang pagtoo diay nakabasi sa pagpasaylo, kung ingon-ana. Ug dayon, sama sa ato nang giingon kaganinang buntag, sa pagpaninguha nga madala ang iglesia ngadto sa punto kon diin nga makita na gayud nato nga ang ma-apostolikanhong panahon nagapamuhat na sa taliwala nato, mao kana ang atong ginapangandoy tanan. Ug ania na kini mismo diha sa pultahan. Makita nato kini, apan gusto natong makakita og dugang pa niini. Gusto nato kini ingon nga usa ka pagdagayday nga kini—nga kini mamahimong usa ka tabang para kanato, nga kita usab nagadagayday para ngadto sa uban.

²⁰ Hinumdumi, si Jesus (sama sa atong leksyon kaganinang buntag), wala gayud Siya migamit sa Iyang gahum para sa Iyang Kaugalingon, gigamit Niya kini para sa uban. Para sa ingon-niana kini kon ngano nga gipadala kini. Ug mahunahunaan mo usahay, “Nganong ang usa ka Tawo nga puno kaayo sa gahum, nga sama Kaniya, magmasakiton pa?” Oo, sir. Nabasa ko sa usa ka libro, kon asa man, kon diin nga sa diha kono nga nabanhaw Niya kadtong batang lalaki, ang anak sa usa ka babayeng balo nga taga-Nain (nagtoo ko kadto’y, *The Prince of the House of David*), nga milingkod Siya didto sa usa ka bato ug miagulo tungod sa sakit sa ulo. Kita n’yo? Gidala Niya ang atong mga balatnan. Ang *dala* nagakahulogan og “pagpas-an sa mga niini.” Kita n’yo, Iyang gidala. Ug anaa usab Kaniya ang tanang butang . . . sama nga aduna kita. Nagkaaduna Siya og sakit, nagkaaduna Siya og mga pagtintal, nagkaaduna Siya og problema, nagkaaduna Siya og mga kahingawa nga sama gayud kanato, tungod kay kinahanglan nga mamahimo Siyang husto gayud nga matang sa Tigpataliwala; busa gikinahanglan Niya nga mamahimong mag-aambit, ang Mag-uuma sa bunga, aron nga mahibal-an Niya. Ang babaye didto sa atabay ug daghan pang mga butang, kita n’yo, kon tan-awon nato mismo diha sa Kasulatan.

²¹ Gusto kong isulti nga ginatoohan ko ang matag Kasulatan, ug ang matag tipik Niini ingon nga matuod. Adunay mga kritiko karon nga dili gustong motoo niana. Usa ka kritiko nag-ingon kaniadto nga “sa dihang gisugo ni Jesus kadtong mga tinunan ngadto kon diin kadto nga asna nahigot, sa kinasang-an sa dalan, nga Iya man kadtong gihikay nang daan kon diin didto gihigot kadto nga asna.” Kita n’yo, dili nila masabtan nga giandam na kadto daan sa *Dios*.

²² Giingnan ako sa Dios, sa miaging adlaw, ingon nga ania dinhi si Igsoong Dauch, nga akong “malamano siya, pag-usab diha sa dalan.” Katingalahan kadto, wala ako dinhi niadtong buntaga; apan pagkalagpas sa duha ka minuto, o pagkalagpas sa usa ka minuto, wala ko unta siya natagbo diha sa dalan. Migawas lang ako sa sakyanan aron igo lang nga malamano ang iyang kamot sa nagalakaw siya, didto sa dalan. Wala siya nakaila kanako; wala siya naka-antipara, dili siya makakita kanako. Pagkadungog niya sa akong tingog, misugod na siya paghilak. Unsa man kadto? Wala niya kana ginabuhat kasagaran, apan usa kadto ka tubag sa kung unsa ang gisulti na kaniya sa dihang naka-oxygen pa siya; nga buhaton niya kadto.

²³ Ingon ko, “Makalingkod pud ka unya sa simbahan pag-usab”; nga mao ang pangandoy sa iyang kasingkasing. Sa diha nga nagpahigayon kami og panagtigum didto sa Chicago, gusto niyang motambong niadto nga tigum, nangandoy ang iyang kasingkasing niadto. Gipadalhan ko siya og usa ka telegrama sa pagpangomusta kaniya gikan kanamo ug sa among mga anak, giingnan ko siya nga nagaampo kami nga mamaayo na siya, dayon. Ug ang usa ka mahigugmaon nga igsoong lalaki, nga miduaw kaniya, miingon nga siya—nga gusto niya gayud motambong niadtong panahona. Apan ania siya karon nagalingkod, karong gabhiona, uban kanato. Kita n’yo? Dili kana nga gihikay nang daan. Ang mao ra nga Dios ang maoy nag-andam niini, ginabuhat Niya ang tanan-tanan sa ingon ka hingpit gayud.

²⁴ Usa ka kritiko nag-ingon kaniadto “Dili katingalahan nga mahimo kaniadto ni Jesus nga magkuha og lima ra kabuok nga tinapay ug mapakaon ang lima ka libo,” ingon pa, “ang usa ka buok nga tinapay kaniadto mas daku kaayo niadtong panahona, ug giputol-putol lang Niya ang matag tibuok niadto aron mapakaon ang usa ka libo.”

²⁵ “Pasabton ta ka, paniudto lang kadto sa usa ka gamay nga batang lalaki!” Lima ka buok nga tinapay nga dala-dala sa usa ka gamay nga bata nga makapakaon diay sa lima ka libo nga mga tawo, ug mabusog pa. Dayon unsa pa kadtong bahin sa dose ka mga bukap nga puno niini nga ningsobra pagkahaman niadto? Kita n’yo? Oh, ila lang. . .mga kritiko lang kadto, mao lang kana. Dili kana makapausab sa Pulong sa Dios. Mao ra Kini sa gihapon, kita n’yo, nagapadayon sa gihapon.

²⁶ Karon, gusto natong maghisgot karon mahitungod sa pagtoo, ug nga lahi nga matang sa pagtoo: *Hingpit Nga Pagtoo*. Usa kana ka halangdon nga butang. Karon, ang pagtoo, giingnan kita diha sa Biblia, “Ang pagtoo nagagikan sa pagpatalinghug.” Karon, dili ka mahimong maluwas nga walay pagtoo. Ug ang pagtoo maoy usa ka butang nga kinahanglan mong toohan nga anaa mismo dinha, nga walay uban pa nga makapahayag nga anaa kini dinha kondili ang pagtoo lamang. Karon ginapaninguhaan

kong maghatud og pagtoo kaninyo, aron nga mamahimo kamong andam para niining linya sa pagpaampo, sa sunod nga pipila ka minuto.

²⁷ Karon, ang pagtoo: “Ang nagaduol sa Dios kinahanglan gayud motoo nga mao Siya.” Ug dili gayud mahimo ang—ang pagpahimuot sa Dios nga walay pagtoo, dili mo gayud mapahimuot Siya. Ug kung nagaingon ka nga nagatoo ka sa Dios...nga wala mo pa gayud Siya nakita, kita mo, busa kung ingon-ana kinahanglan nga toohan mo Kini pinaagi og pagtoo. Ug kung makita mo Siya, dili na kini mamahimong pagtoo pa. Kita n’yo? Ang bisan unsa man nga maipahayag sa mga sensya, dili na kini pagtoo, usa na kini ka siyentipikong butang; kita n’yo, dili na kini pagtoo. Apan gikinahanglan mo Siyang dawaton pinaagi og pagtoo. “Ug ang nagaduol sa Dios kinahanglan nga magtoo sa Dios; ug ang pagtoo nagagikan sa pagpatalinghug sa Pulong sa Dios.” Kita n’yo? Kinahanglan usa nga toohan mo nga *kini* mao’y Pulong sa Dios, ug kinahanglan nga moduol ka sa Dios pinaagi sa Pulong. Kita n’yo? Dawata lamang ang Pulong, kung unsa ang ginaingon Niini, ug “Kana ang husto!” Ang tanang uban pa nga sukwahi Niini, dili husto.

²⁸ Gikinahanglan ni Abraham kaniadto nga toohan kung unsa lang ang gisulti kaniya niadtong Tingog. Ug sa diha nga usa ka gatus na ang iyang panuigon, baynte-singko ka tuig human niadto, mas nagmalig-on pa siya sa pagtoo Niini kay sa niadtong milabay nga baynte-singko ka tuig sa diha nga gihatag Kini kaniadto kaniya. Kita n’yo? Gitooan niya Kini. Ug “Sa saad sa Dios wala siya magduhaduha tungod sa kakulang sa pagtoo, kondili nalig-on, nga nagahimaya sa Dios, sa paghibalo nga mahimo Niya nga tumanon ang Iyang gisaad.” Ug mao kana ang paagi, kinahanglan nga mamahimong ingon niana ang matag usa. Kinahanglan nga moduol ka uban ang walay-pagkapakyas nga pagtoo, sa pagtoo nga ang Dios mao ang naghatag sa saad. Apan karon, kinahanglan nga maanaa ka sa posisyon nga makabaton ka sa nianang pagtoo, ug mao kana ang atong pagahisgotan; kita n’yo, aron madawat kana nga pagtoo.

²⁹ Diha sa Mga Hebreohanon, sa Libro sa Mga Hebreohanon, sa ika-11 nga kapitulo, ginasulti kana kanato.

...ang pagtoo mao ang katinoan sa mga butang nga ginapaabot,...

³⁰ Karon, ania kon diin daghan sa mga tawo nangapakyas nga madawat ang ilang pagkaayo, o kung unsa man ang ilang ginapangayo, tungod kay ang tan-aw nila sa pagtoo maoy usa ka butang nga dili man mao. Kita n’yo? Wala sila nagatoo niini. Kini—kini’y...kini—dili kini imahinasyon. Usa kini ka tininuod nga katinoan.

³¹ Karon, paminaw og ayo! Kita n’yo, dili kini sa kung unsay imong ginahanduraw. Kini ingon gayud ka tinuod para kanimo

sama sa bisan unsa man nga igapahayag sa unsa man nga sensya diha sa imong lawas. Ingon gayud kini ka tinuod sama sa masulti sa akong mga mata, “Kini usa ka panid sa papel.” Ingon gayud kini ka tinuod sa pag-ingon nga “usa kini ka suga.” Ingon gayud kini ka tinuod sama nga moingon, “mabati ko ang akong kupo.” Ingon gayud kini ka tinuod sama—sama nga madungog ko kanang bata nga nagasulti dinha, o nagasaba siya. Kita n’yo, ingon niana gayud ka tinuod, sama sa pagtukar sa musika. Ingon gayud kini ka tinuod sama nga matilawan ko ang unsa mang butang sa akong baba. Ingon niana kini ka tinuod, dili mo lamang mapakita kini ngadto sa ubang tawo. Sa imo lamang kini. Amen! Imo kini. Ang pagtoo mao *ang* katinoan; kita n’yo, dili nga usa ka tinumotumo lamang. Busa, daghang mga tawo ang moduol . . .

³² Karon, tinuod og halawum kini nga mga tulun-anan, ug hisgotan ko lang ang ibabaw niini, dayon kamo na ang magtugkad niini. Kita n’yo?

³³ Himatikdi, butang kini nga imong naangkon na; dili nga imahinasyon lang, kon tinuod gyud nga naanaa na kini kanimo. Ingon gayud kini ka tinuod alang kanimo sama sa uban pang butang nga mahimo mong maangkon. Ingon gayud kini ka tinuod sama—sama sa nahibalo ka nga—nga nagasakay ka sa imong sakyanan. Ingon gayud kini ka tinuod sama nga kabalo ka nga nagalingkod ka karon sulod sa iglesia. Ingon gayud kini ka tinuod sama nga madungog mo ang akong tingog. Usa kini ka katinoan, dili nga usa ka imahinasyon, dili emosyon; kondili usa ka butang nga aduna ka, ug nagaabot kini kanimo pinaagi sa pagpatalinghug sa Pulong sa Dios, ug sa Niana lamang. “Ang pagtoo nagagikan sa pagpatalinghug, ug sa pagpatalinghug sa Pulong sa Dios.” Nagapabalik kana kon diin nga ang imong pagtoo, kung ingon-ana, dili diha sa kang kinsa man nga indibiduwal. Dili kini diha sa usa ka tawo. Dili kini diha sa usa ka organisasyon. Dili kini diha sa usa ka grupo sa mga tawo. Anaa kini diha sa Dios, tungod kay ang Dios mao ang Pulong. Kita n’yo? Ang imong pagtoo maoy diha sa Dios.

Ang pagtoo nagagikan pinaagi sa pagpatalinghug sa Pulong sa Dios.

³⁴ Dayon sa diha nga ang Dios, pinaagi sa Iyang Pulong, . . . dili sa kung unsa ang gibuhay ni kinsa man nga tawo, gisulti ni kinsa man nga tawo, kondili sa kung unsa ang giingon sa Pulong sa Dios. Miingon Siya, “Pasagdi nga ang pulong sa tanang tawo bakak, ug ang sa Akô matuod.”

³⁵ Karon, makita n’yo ang uban nga tawo nga gabuhay og usa ka butang pinaagi sa usa ka pagpamuhay o lihoc sa Dios, o saad sa Dios; ug daghan kanila ang moingon, “Mahimo kong buhaton kana, usab.” Usa kini ka pagpang-imahinasyon lamang. Ug kung buhaton man nila, makaplagan mo sila nga nangapakyas na

lang didto. Kinahanglan nga mamahimo kining usa ka katinoan. Karon, sa potensiyal usa kana ka pagtoo. Butang kana nga magahatud kanimo ngadto sa usa ka pagtoo. Potensiyal pa lamang kini, sama sa kung mohangyo ka kanako og punoan sa usa ka encina, ug hatagan ko ikaw og liso niini. Sa potensiyal aduna ka na'y punoan sa usa ka encina, pero wala pa kini motubo; apan sa diha nga motubo na kini, usa na kini ka punoan sa encina. Ug sa diha nga handurawon mo lamang nga buhaton kini sa Dios, . . . Apan sa diha nga napadayag kini kanimo, pagtoo na kini kung ingon-ana, usa ka Hingpit nga Pagtoo nga dili mapakyas.

³⁶ Mao kana ang hinungdan nga kana nga mga pananawon grabe—grabe ka mahinungdanon kanako, tungod kay napamatud-an na kini nga “husto” sa tanang panahon. Kita n'yo? Ug kabalo ako nga Iyang gisaad kana. Ug Iyang gisaad kini diha sa Iyang Pulong, ug ania Siya nagaabot ug nagsaad niini alang sa niining panahon. Busa, nasayod ka kung asa ka nagabarug, tungod kay gisulti na Niya kini. Kita n'yo, nagahatag kana kanako og pagtoo, tungod kay wala gayud Siya nagabuhat og unsa man nga sukwahi sa Iyang nasulat nga Pulong. Kita n'yo? Ug kung sukwahi kini sa Pulong, dili mahimo nga magkaaduna ako og pagtoo niini. Ginabalik na usab kita niini ngadto sa Pulong, kita n'yo, pagtoo sa pagpatalinghug sa Pulong sa Dios. Kinahanglan nga patalinghugan mo ang Pulong! Ang Pulong sa Dios mao kana'y Pulong nga madagayaon gayud. Mao lang kana ang tanan mong gikinahanglan, kining Pulonga.

³⁷ Karon, ang pagtoo ingon nga mao ang katinoan, ug dinha makita nato (diha sa Mga Hebreohanon) kung unsa ang pagtoo, ug kung unsa ang nabuhat sa kadtong mga adunay pagtoo. Kita n'yo, daghang mga higayon nga ang mga tawo magkaaduna og pagtoo karon, ug ugma wala na sila niini; pagkasunod adlaw aduna na'y *usa ka butang*, ug *uban pa nga butang*. Apan sa diha nga maiangkla na kini sa Dios, ug makita mo kini, wala na'y bisan unsa man nga butang nga makapairog pa kanimo palayo niini. Galanganlangan ka lang kaniadto, gapanimpalad, gapamasin. Ug ang *pagpamasin* mao ang “pagpangahas nga walay katungod”; basta mo na lang sulayan *kini*, ug sulayan *kini*, ug moadto *niining* direksyon, ug modagan *dinhi*, ug modagan didto. Wala pa kanimo ang Pagtoo! Apan sa diha . . . ingon niana ang tawag nato sa “Pagtoo.”

³⁸ Ako—ako—ako . . . Pasayloa ako. Gusto ko kamong . . .
Salamat, igsoon.

³⁹ Ako—Gusto kong makuha ninyo kini karon. Kita . . . kinahanglan nga ialsa sa Iglesia ang Kaugalingon Niini diha sa gahum sa Dios. Unsaon man? Haduol na kita kaayo ngadto sa katapusan, karon; ug nagatoo ako nga ang Iglesia anaa na sa kahintang kon diin nga mahimo na natong tudloan Kini og medyo mas halawum na nga mga butang, ug wagtangon kining

pipila ka mga pagpatoo-too, kita n'yo, ug paingon ngadto sa butang nga tinuod gayud. Kita n'yo? Kinahanglan usa kini ka butang nga nasayod gyud kamo!

Ug kung moingon ka, “Igsoong Branham, dili kana ang suga.”

“Pero kabalo gyud ko nga suga kana.”

“Giunsa mo man pagkahibalo nga ang suga kana?”

“Gatan-aw man ako niini karon.”

“Bueno, unsaon mo man pagkahibalo nga dili kana mamahimong sayup?”

“Ang panan-aw kaganina pa nagpahayag kanako nga suga kana.” Kita n'yo?

⁴⁰ Mao kana ang hinungdan nga gatoo ko niadtong mga panan-awon, tungod kay kini ang kanunay'ng nagpahayag kanako sa kamatuoran, tungod kay nagagikan kini sa Pulong. Kita n'yo? Dayon kung isulti Niya kini, mao na gyud kini. Karon, pagmaipahayag kini nga sama niana, wala na'y mga pagpanalagma, matuman gyud kini. Dayon madungog mo kining “MAO KINI ANG GINAINGON SA GINOO,” kita n'yo, tungod kay kini—lagpas na kini sa tawhanong panghunahuna. Kini anaa na sa mga pagpanghunahuna nga iya sa Ginoo. Apan ania ka lang dinhi, sama lang sa Punoan sa parras. . . sama lang nga ginapamunga sa sanga ang bunga nga anaa sa maong Punoan. Kita n'yo? Nagagamit ang Dios og tawo, ug tawo lamang. Wala nagagamit ang Dios og mga makina. Wala nagagamit ang Dios og mga pundok sa tawo. Wala nagagamit ang Dios og mga organisasyon. Nagagamit ang Dios og mga indibiduwal, sa kanunay!

⁴¹ Karon, ang pagtoo mao ang katinoan, ug pinaagi niini, masabtan nato, nga kanang tanan nga mga butang nagakahimo. Dili kini usa—dili kini usa ka imahinasyon, usa kini ka katinoan; ilabina pag kini Hingpit nga Pagtoo. Mao kana ang akong ginahisgotan karong gabhiona, ang pagpaingon ngadto sa Hingpit nga Pagtoo. Dili kini usa ka imahinasyon.

⁴² Karon, ang uban, mangduol ang mga tawo moingon, “Oh, aduna gyud ko'y pagtoo; oh, sigurado gyud aduna ako.” Bueno, para man sa unsa diay nga nagatindog ka dinhi, kung ingon-ana? Kita n'yo? Kita n'yo? Kita n'yo, ang imo—imo mismong mga lihoc nagapamatuod nga wala kanimo ang ginasulti mong aduna ka. Kita n'yo? Kung aduna ka'y pagtoo, nganong para man sa unsa nga nagatindog ka dinha sa linya sa pagpaampo? Kita n'yo? Para man sa unsa diay nga ginahimo mo kining mga butanga?

⁴³ Kita n'yo, kung aduna ka'y Hingpit nga Pagtoo, nagatan-aw ka diretso mismo sa Dios ug ginatoohan kini, ug molakaw ka na. Imong—dili mo na kinahanglan pang moapil diha sa linya sa pagpaampo. Dili mo na kinahanglan pa kini nga mga butang,

tungod kay human na kining gibuhat sa imong pagtoo. Kita n'yo? Unsa pa'y kapuslanan para kanako nga moingon, "Kinahanglan kong magsul-ob og kamiseta"? Nga nagsul-ob na man ko og kamiseta!

44 "Unsaon mo man pagkahibalo nga nagsul-ob ka na og kamiseta?"

45 "Bueno, nakita ko kini, nabati ko kini, ug kabalo ko nga anaa kini dinha." Bueno, ingon niana kung unsa ka tinuod kana pagmaanaa na ang Hingpit nga Pagtoo. Wala ka'y—wala ka na nagkinahanglan og uban pa. Human na kini; kabalo ka niini.

46 "Giunsa mo man pagkahibalo niini?"

47 "Pagtoo ang nagsulti kanako!" Mao kana. Kita n'yo? Nasabtan ba ninyo kini karon, kung unsay akong pasabot? Kanang Hingpit nga Pagtoo.

48 Karon, sa laing pagkasulti, maghisgot pa ako og dugang, "Bueno, moadto ako. Nag-ingon ang Biblia, "Tawgon ang mga anciano, magpahaplas kanila og lana, paampo sila bahin niini.' Kabalo ko, nga moadto gyud ko." Ug moingon ka, "Bueno, mamaayo na ako." Kita n'yo, ginapatoo mo ang imong kaugalingon; kung dili ka magbantay, himoon mo lang ang imong kaugalingon nga—nga imo-imo lang. Dayon sa diha nga miagi na siya, moingon siya, "Oh, ako—dili ako sa gihapon makakita." Kita n'yo, ingon niana ka, wala ka nagkaaduna og pagtoo!

49 Ang tinuod mo nga pagtoo buhaton kini didto mismo. Ang imong—imong tinuod nga pagtoo maoy maghimo niini nga tinuod kaayo kanimo nga . . . Tan-awa kadtong luoy nga babaye nga may talinugo, ingon niya, "Kung mahikap ko lang unta ang sidsid sa Iyang kupo, mamaayo gyud ako." Ug dihadiha nga nahikap niya kini, miingon siya nga iyang "nabati sa sulod niya nga miundang na ang iyang talinugo." Mitoo gayud siya niadto.

50 Ug sa nahikap niya Kadto . . . aron mapamatud-an nga miundang na kadto—miundang na kadto, milingi si Jesus ug miingon, "Kinsa ang mihikap Kanako?" Kadtong Hingpit nga Pagtoo! Ug kanang mao ra nga Hingpit nga Pagtoo karong gabhiona, ang maoy magahikap kang Jesus Cristo sama sa gibuhat niini kaniadto. Miduol ang maong babaye uban ang usa ka Hingpit nga Pagtoo niadtong higayona.

51 Karon, makita nato karon, nga ang mga tinun-an sa sinugdanan wala og ingon niining Hingpit nga Pagtoo. Wala sila niini kaniadto, tungod kay aduna sila og Cristo, nga nagalakaw sila kaniadto nga kauban Niya; apan pagkahaman niadto, si Cristo anaa na sulod kanila. Ug busa, makita n'yo, malisod kung ingon-ana nga magkaaduna niini og Hingpit nga Pagtoo nga wala og Balaang Espiritu; Kini ang kinahanglan magadala niini, ginabuhat Niya kini. Karon, moingon ka, "Walay Hingpit nga Pagtoo ang mga tinun-an kaniadto?" Wala; kay aduna sila

kaniadto og bata didto nga patolon, nga ginapaninguhaan nila nga ihingilin ang yawa gikan kaniya, ug dili nila kini mahimo.

⁵² Ug nakita sa amahan nga nagapadulong si Jesus, ug miingon siya, “Gidala namo ang akong anak ngadto—ngadto sa Imong mga tinun-an, ug dili nila siya maayo.” Kita n’yo?

⁵³ Ug pagkahuman niadto, gipangutana sa mga tinun-an si Jesus, nga nagaingon, “Nganong dili man namo siya maayo?”

⁵⁴ Ug miingon si Jesus, “Tungod, sa kakulang sa pagtoo, sa inyong dili-pagtoo.” Husto kana. “Tungod sa inyong dili-pagtoo sa . . .”

⁵⁵ Karon hinumdumi, aduna sila kaniadto og gahum. Gihatagan sila ni Jesus og gahum aron sa pagpang-ayo og mga masakiton, sa pagbanhaw og mga patay, ug sa pagpagula og mga yawa, pipila pa lang ka adlaw sa wala pa nahitabo kadto. Aduna sila’y gahum, pero walay pagtoo aron magamit ang maong gahum. Karon, mao kana ang Branham Tabernacle! Mao kana ang Iglesia, ang Pangasaw-onon, sa karon! Ania karon ang Balaang Espiritu nga dala ang gahum, apan kamo, walay nianang pagtoo aron mapalihok kini. Nakita n’yo ang gusto kong ipasabot? Nagakinahanglan kini og pagtoo aron mapalihok kini.

⁵⁶ Ania karon: aduna ko’y bala nga akong gikarga sa pusil. Kabalo ko kung unsa ang mahimo niini pinaagi sa ballistic, sama sa Pulong, apan gikinahanglan ko sa gihapon nga kabliton ang maong pusil. Nagkinahanglan ang kalayo og polbora. Adunay kusog diha sa polbora, apan nagkinahanglan kini og kalayo aron mapabuto kini. Ug mao ra kini sa gihapon, anaa diha sa basyo ang polbora, apan nagkinahanglan kini og pagtoo aron mapadagkot kini ug mapabuto kini. Ingon niana ang gikinahanglan niini, kita n’yo, Hingpit nga Pagtoo nga maoy mopasilaub sa gahum sa Balaang Espiritu nga aduna kanato karon, tungod nga mikunsad Siya kanato; pagtoo nga maoy magpasilaub, nga makita ang dagkung mga butang, mao . . . ang pagtoo, butang nga ginapresentar kanimo.

⁵⁷ Uban sa kasingkasing nga puno sa kalipay, nagasulod ka sa lawak sa mga masakiton, nga eksaktong nasayod sa kung unsay imong isulti. Nagasulod ka didto ug nahibalo kung unsa ang mahitabo, usa ka butang ang nahipadayag na, ug nasayod ka niini. Ug sa pagsulod mo, “Sa Ngalan ni Jesus Cristo, bumangon ka dinha. MAO KINI ANG GINAINGON SA GINOO!” Mao kana; ingon niana ang Hingpit nga Pagtoo. Kung aduna ma’y napulo ka milyon ka mga tawong nagatindog didto nga nagaingon nga dili kini mahitabo, nasayod ka nga mahitabo kini sa gihapon, tungod kay nasayod ka niini. Matuman gyud kini. Bisan pa kung unsa man ang ginasulti ni kinsa man, ikaw kanang aduna og maong pagtoo.

⁵⁸ Mahunahuna kaha ninyo, si Josue, nga tawgon pa niya ang tanang mga katigulangan sa Israel ug moingon, “Uh, mga

kaigsoonan, kita nga mga alagad sa Ginoo, gusto kong isulti ninyo ang usa ka . . . hangyoha ninyo ang Ginoo kung okey lang kaha kung—kung hatagan Niya kita og medyo dugang pa nga kahayag sa adlaw, kita n'yo, ug nga pugngan ang adlaw sa kadali lang”?

⁵⁹ Wala; gikinahanglan niya kadto (ug nga wala na'y mga pag-ampo pa, wala na og unsa pa man), nagkinahanglan siya niadto, ug basta niya na lang gisugo ang adlaw! Miingon siya, “Pabilin ka dinha! May panginahanglan ako, ug ania ako sa pagpangalagad sa Ginoo, ug gisugo Niya ako dinhing dapita sa pagbuhat niini nga buluhaton, ug ginabuhat ko ang pinakamaayo nga nahibaloan ko, ug mapildi na ang kaaway, ug ania pa sila dinhi; kung pasagdan ko nga mosalup ang adlaw, makapagtigum-tigum pa sila ug maghatag pa kanako og dugang problema. Busa, humunong ka! Ug, bulan, magpabilin ka dinha!” Amen; mipabilin kini didto sulod sa baynte-kuwatro ka oras.

⁶⁰ Karon, kung nagatuyok ang kalibutan ug gipahunong niya kini, ug mipabilin ang adlaw ug dili kini mituyok, unsa ang mahitabo kung ingon-ana? Karon, gihimo mo ang imong kaugalingon nga usa ka dili-Cristiano, kung moingon ka *niini*; ug dayon kung dili ka moingon niana, siguradong ginabinuangan mo ang siyensiya, tungod nga nagaingon sila nga kung mohunong ang kalibutan, mahulog kini. Busa unsa na karon? Ug kung moingon ka nga dili husto ang Pulong sa Dios, kung ingon-ana usa ikaw ka dili-Cristiano. Kita n'yo? Pero nahitabo kadto, mao kana ang importanteng butang. Wala ko nasayod kung ginaunsa pagkahitabo niadto, apan nahitabo kadto!

⁶¹ Wala ko kahibalo kung ginaunsa sa Espiritu Santo, apan nasayod ako nga miabot Kini kanako. Ako—dili ko masulti kung unsa ang gibuhat Niini, apan nasayod ako sa mga panalangin Niini. Kana—kana lang ang akong—akong gustong mahibaloan, ang mga panalangin sa Espiritu Santo. Ug kung unsa ang nahitabo, Siya na ang nagpamuhat niadto. Iya kanang sekreto.

⁶² Kadtong bataa dili mamaayo, tungod kay . . . Adunay gahum kaniadto ang mga tinun-an; gihatagan sila ni Jesus og gahum aron ayohon ang tanan nga matang sa mga balatian, aron sa pagpagula og mga yawa, aron ayohon ang mga sanlahon, ug aron banhawon ang mga patay. Gihatagan Niya sila og gahum, apan wala sila'y pagtoo aron mapagana ang maong gahum nga aduna sila. Ug dayon gipangutana nila si Jesus ug miingon, “Bueno, karon, nganong dili man namo kini mahimo?”

⁶³ Karon, hinumdumi, aduna sa ila ang Pulong; ug ang Pulong atua sa Unod kaniadto. Ug gisultihan sila sa Pulong, “Ginahatagan Ko *kamo* og gahum.” Amen! “Ginahatagan Ko *kamo* og gahum.” Ug nagkaaduna sila og gahum, apan wala

sila’y pagtoo aron mapagana ang maong Pulong nga atua kanila. Nakita n’yo kung unsay akong pasabot? Apan aduna niini si Jesus, Siya mao ang Pulong, ug aduna Siya’y pagtoo nga kung unsa man ang Iyang isulti mahitabo. Miingon Siya, “Oh, dalha ninyo siya dinhi. Hangtud kanus-a pagaantuson Ko kamo?”

⁶⁴ Aduna Siya’y pagtoo, uban sa Iyang gahum. Giunsa man Niya pagkaangkon niini? Miingon Siya, “Dili Ako makabuhat og bisan unsa sa Akong Kaugaligon.” Ngano man? Misalig lang Siya kaniadto sa kung unsa Siya; misalig Siya sa paghibalo nga Siya mao ang Pulong. Ug aduna Siya’y pagtoo sa Dios, Nga mao ang naghimo Kaniya nga Pulong. Siya ang Dios (ang Pulong), ug sila anaa Kaniya, ug mao kadto ang naghatag Kaniya og pagtoo tungod kay nakasabot Siya sa Iyang posisyon. Nahibalo Siya kung unsa Siya, tungod kay ang Kasulatan nag-ingon nga *ingon niini* Siya. Ug ania ang matag Kasulatan nga nagkatakdo, aron pamatud-an nga Siya ang maoy eksakto gayud nga gisulti sa Kasulatan nga mamahimong mao Siya, ug nakaila Siya kung unsa Siya.

⁶⁵ Busa, misalig Siya sa kung unsa ang pagkahimo sa Dios Kaniya. Ug kung gihimo Niya kadto, nan dili ba kita makasalig kung unsa nga gihimo kita sa Dios ingon nga mga magtotoo? “Kini nga mga ilhanan maganunot kanila nga nagatoo!” Aduna Siya’y pagtoo sa kung unsa Siya. Ug kung usa ikaw ka magtotoo, aduna ka’y pagtoo sa kung unsa ikaw: usa ikaw ka magtotoo! Ug kung aduna ka’y pagtoo sa Dios, nagaingon ang Biblia dinhi sa . . . “Kung ang atong—atong mga kasingkasing nagasaway kanato, kung ingon-ana dili mahimo nga magkaaduna kita og pagtoo; apan kung ang atong mga kasingkasing wala nagasaway kanato, kung ingon-ana aduna kita’y pagtoo, aduna kita’y pagsalig ngadto sa Dios.” Kung gusto ninyong basahon kana, makita sa San Juan 3:21. Nasulat ko ang maong Kasulatan dinha.

⁶⁶ Karon himatikdi, San Juan . . . Ang pasabot ko’y Nahaunang Juan 3:21. Himatikdi.

*. . .kung ang atong mga kasingkasing wala
magasaway kanato, kung ingon-ana may pagsalig kita
ngadto sa Dios.*

⁶⁷ Apan hangtud nga nagasige ka pamuhat og mga butang nga sayup, dili ka mamahimong magkaadunay pagsalig ngadto sa Dios. Busa, nakita n’yo, mahimo ninyong . . . unay mong mahibaloan nga sayup ka. Unay mong ginapabalik ang imong kaugaligon didto ingon nga usa ka makasasala, sa paghibalo nga sayup ka. Apan sa diha nga wala ka ginasaway sa imong kasingkasing, ug nasayod ka nga usa ikaw ka magtotoo, ug walay bisan unsa man nga nagababag tali kanimong ug sa Dios, mahimo mong pangayoon kung unsa ma’y gusto nimo ug nasayod ka nga

igahatag kini, tungod kay ang Pulong kini nga maoy gihatag kanimo sama lang niini kaniadto sa mga tinun-an.

⁶⁸ Karon, ang butang lamang nga gikinahanglan mong buhaton kung ingon-ana, mao ang magkaaduna og pagtoo sa kung unsa ikaw. Magkaaduna ka og pagtoo sa kung unsa ang ginaingon sa Pulong kung unsa ikaw! Ug si Jesus adunay pagtoo sa Pulong sa Dios, nga nagaingon kung unsa Siya, “Nasulat na kini mahitungod Kanako.” Dili ba si David, diha sa mga Salmo; ug ang mga propeta, ug tanan sila naghigot na mahitungod Kaniya? “Ako mao ang Tinapay sa Kinabuhi nga nagagikan sa Dios nga mikanaug gikan sa Langit.” Amen! “Ako mao ang Kahoy sa Kinabuhi nga gikan didto sa tanaman sa Eden. Ako mao kining tanang butang, AKO MAN ANG MAO AKO.” Ug nasayod Siya pinaagi nianang Hingpit nga Pagtoo, nga Siya mao ang dinihogan nga Mesias, nga ang Espiritu sa Dios anaa Kaniya. Miingon Siya, “Karon, Ako, sa Akong Kaugalingon, dili makabuhat og unsa man; apan ang pagtoo Ko kini sa Dios.” Ug anaa ang Dios Kaniya, ang Pulong nga nadayag. Ug sa diha nga ang Pulong sa Dios nagaabot kaninyo, nagakadayag Kini, kay usa ikaw ka magtotoo. Kita n’yo? Ug ang magtotoo mao “ang pagtoo sa Dios nga nagalihok diha kaninyo.”

⁶⁹ Gusto ba ninyo kana? Ako—ako—gusto ko gayud pag kamo. . . Gusto kong magtudlo mahitungod sa kon diin nga ang. . . kung unsaon nga. . . kung unsa gayud ang pagtoo.

⁷⁰ Ingon nga nahibalo Siya kung Kinsa Siya, nga wala ni usa ka landong sa pagduhaduha, nasayod Siya nga Siya mao ang Anak sa Dios. Nasayod Siya niini, tungod nga ang Pulong nagpaila. Ang Pulong sa Dios ang nagpaila kung Kinsa Siya. Miingon Siya, “Kung wala Ko ginabuhat ang mga buhat sa Akong Amahan, kung ingon-ana ayaw Ako toohi; apan kung—kung wala ko ginabuhat kini nga mga buhat, ayaw Ako toohi. Apan kung ginabuhat Ko, kung ingon-ana toohi ang maong mga buhat, tungod kay sila mao ang gisaad nga Pulong nga nadayag.” Oh, kung makamata lang kamo unta niana, sa kadali! Nakita n’yo, ang Pulong Mismo ang nagpaila Kaniya, kung Kinsa Siya. Ug miingon Siya, “Kinsa ba ang makahukom Kanako og silot tungod sa sala?” Sa laing pagkasulti, “Kinsa man ang makapakita Kanako nga ang Akong kinabuhi ug ang Akong mga buhat wala nagatuman sa eksakto sa kung unsa ang angay pagabuhaton sa Mesias?” Wala ni usa ang makasulti og bisan unsa man; kay mao man gayud Siya. Kung ingon-ana aduna Siya’y pagtoo aron motoo, kaniadto; nga kung unsa man ang Iyang isulti, mahitabo kini.

⁷¹ Dayon milingi Siya ug miingon, “Ang mga buhat nga akong ginabuhat, pagabuhaton ninyo usab. Sa diriyut lamang panahon, ug ang kalibutan dili na makakita Kanako; apan makakita kamo, kay Ako magauban kaninyo, bisan pa maanaa kaninyo. Dili kamo managkaguol kung unsa ang inyong igasulti,

kay dili kamo mao ang magasulti, kondili ang inyong Amahan nga nagapuyo diha kaninyo; Siya Mao ang magasulti. Ug dili Kini Ako, ang Amahan Kini nga nagapuyo Kanako, Siya mao ang nagabuhat sa maong mga buhat.” Nakita n’yo kung unsay akong pasabot?

⁷² Karon, ania ang pagpaila sa usa ka pang-Kasulatan nga Cristohanon, kini ang mga Pulong nga giingon ni Jesus: “Kini nga mga ilhanan maganunot kanila nga nagatoo.” Karon, unsaon man ninyo pagkatawag sa inyong kaugalingon nga mga magtotoo, usa ka katawhan, ug ginapanghimakak kana nga mga Pulong? Unsaon mo man pagkatawag sa imong kaugalingon nga usa ka magtotoo ug ginapanghimakak ang bisan unsa man sa niining Pulong? Kita n’yo? Dili ninyo kini mahimo. Dili ka usa ka magtotoo, busa dili mahimong monunot ang mga ilhanan, tungod kay ginadawat mo lang kung unsa ang gusto mong toohan ug biyaan na ang uban pa Niini. . . ayaw mo—dili mo ginatoohan Kini. Apan kinahanglan mong dawaton ang maong tibuk butang, ug toohan Kini. Ug sa diha nga tinuod kang nagatoo (dili nga patootoo lang, kondili nagatoo gayud), nan kini nga mga ilhanan maganunot kanila nga nagatoo.

⁷³ Oh, maitandi mo ba ang usa ka Cristohanon sa karon sa kadtong mga Cristohanon sa kaniadtong panahon? Kung unsa nga silang mga tinun-an kaniadto nanaglakaw diha sa gahum sa Espiritu, mga minandoan sa Espiritu Santo, sa pagpamuhat niini. Mga binilanggo ni Cristo, sama sa giwala ko sa miaging gabii, binilanggo sa Pulong ug sa kabubut-on sa Dios; dili gani siya molihok hangtud nga palihokon siya sa Dios. Dili ba ninyo gustong makita ang usa ka Iglesia nga nagatungha nga sama niana? Mahitabo kini; mobalik gyud kini. Kini’y — moabot gyud kini. Husto kana. Kini’y. . . Nagasingabot na kini karon, nagatoo ako.

⁷⁴ Kay ang Pulong nagapaila, nagapaila sa Iyang Kaugalingon, kung unsa Siya; ug ang mao ra nga Pulong nagapaila usab kanato. Kita n’yo? “Ang tawong nahigugma Kanako, iyang ginatuman ang Akong sugo. Ug kung nagaingon siya nga nahigugma siya Kanako, ug wala ginatuman ang Akong mga sugo (ingon niana silang tanan), bakakon siya, ug wala gani kaniya ang Kamatuoran.”

⁷⁵ Moingon ka, “Bueno, wala ako nagatoo sa tanang. . .” Bueno, kung ingon-ana, nga. . . usa gyud ka ka dili-magtotoo, kana lang. Kung mao kana ang ginaingon sa Biblia, husto kana, mao na gyud kana sa Walay-katapusan. Kung unsa man ang gisulti sa Biblia, mao ang Kamatuoran.

⁷⁶ Himatikdi kon diin nga nag-ingon Siya kanato, “Kon kamo nagapabilin Kanako, ug ang Akong Pulong nagapabilin kaninyo.” San Juan 15, “Kon kamo nagapabilin Kanako, . . .” Kita n’yo, magtoo Kaniya. “Ingon nga nagapabilin kamo

Kanako, ug ang Akong Pulong nagapabilin kaninyo, kung ingon-ana pangayo *kamo* kung unsa ang gusto ninyo.”

⁷⁷ Karon, kita n’yo, nakaila Siya kung kinsa Siya, busa aduna Siya’y pagtoo. Mahimong mamuhat ang pagtoo sa diha nga nasayod Siya kung unsa Siya. Karon, “Kon nagapabilin kamo Kanako, ug ang Akong Pulong anaa kaninyo,” kung ingon-ana nakaila ka kung kinsa ka. “Pangayo kung unsay gusto mo, igahatag kini kanimo.”

⁷⁸ Dili ba kana maanindot, karong gabhiona, kung ang tanan mangduol sa nianang linya sa pagpaampo, nga nagaingon, “Usa ako ka Cristohanon. Wala’y pagkasaway kanako. Ako—nahibalo ako nga diha sa akong kasingkasing walay pagsaway. May sa kung unsang butang ang nagasulti kanako nga karong gabhiona mao ang katapusan sa akong pag-antus”? Sa ingon niana, may mahitabo kanimo. Magabiya ka dinhi nga dala ang usa ka butang. Bisan unsa pa nga emosyon ang pagduol mo, bisan unsa pa ang buhaton mo, dili kini magpulos hangtud nga madayag kanang Hingpit nga Pagtoo ug mapaila kini mismo diha kaninyo, ingon nga usa ka katinoan. Ug pag-anaa na kini dinha, nan walay bisan unsa man ang makapairog kanimo gikan niini.

⁷⁹ Kung—kung aduna ka’y kanser, ug gisultihan ka na sa doktor kagahapon nga mamatay ka na sa dili pa ang buntag sa Lunes, (ang tibuok mong kasingkasing, ang pagginghawa mo wala na, giut-ut ka na sa kanser, ang buhagay sa imong dugo bug-os nang nahimong kanser, unsa pa man kini); ug May sa Kung Unsang Butang ang miabot dala kining katinoan sa niining matuod nga pagtoo, ang Hingpit nga Pagtoo naghimo og katinoan diha kanimo, nga mahimo mong kataw-an lang ang doktor.

⁸⁰ Mamahimo kang sama ni Elias sa una, sa diha nga milakaw-lakaw siya paadto-paanhi sa atubangan niadtong diosdios, ug miingon, “Mahimo ba ninyong kusgan pa ang pagtawag ninyo? Ug basin daghan lang ang iyang ginabuhat.” Nasayod siya kung unsay iyang buhaton, tungod kay gisultihan na siya sa Dios kung unsay mahitabo. Miingon siya, “Tugoti nga ang dios nga nagatubag pinaagi og kalayo, mao ang Dios.”

⁸¹ Miingon sila, “Dawaton namo kana nga hagit.” Ug gipangbubo-an nila og tubig ang mga halaran. Ug ilang—ilang gipangsamaran ang ilang mga kaugalingon, ug gibuhat na nila ang tanan, ug nanawag og, “Oh Baal! Oh Baal! Tubaga!”

⁸² Pagkamalinawon lamang ni Elias. Miingon siya, “Kusgi pa ninyo ang pagpanawag,” miingon—miingon, “Basin daghan lang ang iyang ginabuhat. Basin—basin nanagat pa siya. Basin aduna siya’y uban pang ginabuhat, nakita n’yo. Basin atua lang siya sa usa ka lugar.” Sila gayu’y. . . Gikataw-an lang niya sila, tungod nga nasayod na siya nga mahitabo kini.

⁸³ Oh, bantayi sa diha nga nahan-ay na niya ang tanan. Milakaw siya didto ug miingon, “Ginoong Dios ni Abraham,

ni Isaac, ug ni Israel!” Wala gayud niya gitawag siya sa iyang ngalan nga *Jacob*, “tikasan.” Gitawag niya siyang *Israel*, “prinsipe sa Dios.”

⁸⁴ “Ginoong Dios ni Abraham, ni Isaac, ug nianang Prinsipe (si Jacob), himoa nga mahibaloan niining adlaw nga ako Imong alagad; ug nga gibuhat ko kini, dili sa akong gusto, dili nga akong himohimo lang, kondili tungod sa Imong sugo nga gibuhat ko kini; ang Imong kabubut-on, Ikaw ang nagsulti kanako kung unsa ang buhaton. Gipakita Mo na kanako nga kining mga butang maania dinhi. Karon, gibubo ko na ang tubig sa halaran. Gibuhat ko na kini nga mga butang sumala sa Imong sugo. Karon, himoa nga mahibaloan!” Ug sa pagkasulti niya niadto, mikanaug ang kalayo gikan sa langit. Ingon niadto siya ka sigurado nga mahulog kadto, tungod kay aduna siya’y katinoan. Ngano man? Ingon niadto man ang gisulti sa Pulong.

⁸⁵ Karon, kining mao ra nga Biblia mao ang mao ra sa gihapon nga Pulong sa Dios. Ug sa diha nga madawat mo ang maong katinoan (nga mao kanang Hingpit nga Pagtoo); katinoan nga kini nga saad nga gihimo sa Dios *imoha*.

⁸⁶ “Unsa man ang gibati mo, Igsoong Branham, sa diha nga nagatindog ka didto ug makita mo ang mga tawong nagaduol nga nagkalainlain ang mga pinulongan ug ingon-anang mga butang? Nahadlok ka ba?” Wala, sir. Wala, sir. Nag-ingon na man Siya! Wala pa gayud ako nahadlok, tungod kay nag-ingon na Siya kanako, ug nagatoo ako nga ang Kamatuoran kini.

⁸⁷ Kung mosulti Siya kanako karong gabhiona, nga moadto ako sa lubnganan sa mga presidente ug banhawon si George Washington ugma sa buntag, pagadapiton ko ang tibuok kalibutan, “Ari mo ug tan-awa ang pagkatuman niini.” Moingon ko, “Dalha ninyo ang tanang . . . kuhaa—kuhaa ninyo ang tanang mga kritiko nga mahimo ninyo ug ipapalibot sila, makita ninyo ang Himaya sa Dios. Iplatar kanang bangko dinha kon diin nga makalingkod kamo ug magpahulay sa kadali; mamaania na siya sa makadiyut lang, sa diha nga motawag na ko.”

⁸⁸ Niadtong gabii sa diha nga kadtong gamay nga batang lalaki sa Finland, niadtong adlaw, diay; nga nagbuy-od didto nga patay na, nagbuy-od didto sulod sa tunga na sa oras, nga halos dugmok na, nagagawas na ang mga dugo diha sa iyang mga mata, ilong ug dalunggan; balibali na ang gagmay niyang mga batiis, diha sa iyang gamay nga medyas; ug migim-aw ang iyang mga tiil sa tumoy sa iyang mga medyas, wala na iyang mga sapatos. Gilantaw ko, ug nadumduman ko, “Mahimong mao gyud kana kadto nga bata.” Miingon ko, “Hala, tan-awon nato sa likod nianang Biblia, Igsoong Moore.”

⁸⁹ Among gipatan-aw didto kang Igsoong Lindsay, kang Igsoong Moore: “Ug mahitabo kini, GINAINGON SA GINOO,” (Oh, sus!) “Didto sa usa—usa ka lugar kon diin adunay daghang

nagatubo nga katanuman. May nagkapatungpatung nga mga bato. Usa ka gamay nga batang lalaki nga may inupaw ng alut, naka-pantywaist nga nakabutones hangtud dinhi, ug ang iyang tiil . . . naipataas ang iyang medyas. Aduna siya’y kapihon nga mga mata, nga nanggibudlat kini. Mamatay siya diha sa usa ka aksidente sa sakyanan. Apan igapandong mo ang imong mga kamot diha kaniya, ug mabuhi siya balik.’”

⁹⁰ Atua Kini, nga nasulat didto. Nagbuy-od siya didto, amen, nga nagahulat lamang sa maong Pulong. Ingon ko, “Kung kini nga bata dili mabuhi sulod sa pipila ka minuto gikan karon, kung ingon-ana usa ako ka mini nga propeta, papahawaa ninyo ako pagawas sa Finland. Apan kung mabuhi siya, mangyukbo kamo ug maghinulso!”

⁹¹ Ingon ko, “Kamatayon, dili mo siya mahimong kuptan.” Gitawag ko ang iyang espiritu sumala sa Pulong sa Dios, “Sa Ngalan ni Jesus Cristo,” dayon mibangon siya. Husto! Kita n’yo? Oh, sus! Ang pagtoo, kita n’yo, mikaput. Gisulti sa Dios, busa mao kadto!

⁹² Karon, kana—ang Dios kana nga nagasulti sa niining panahon pinaagi og panan-awon. Apan kini: kon kana nga panan-awon sukwhi *Niini*, sayup kana; *Kini* mas labaw pa kay sa panan-awon. Kon aduna man og bisan unsa nga panan-awon nga sukwhi sa Pulong, biyai kini; dili kini iya sa Dios, wala sa Dios ginaspak ang Kaugalingon Niyang Pulong.

Busa, kon kini nga Pulong misulti kaninyo og usa ka butang, nan mahimong magkaaduna ka og mao rang pagsalig kung unsay mahitabo. Walay bisan unsa mang butang, . . . Kung nagaingon Kini, “Pandongan nila sa ilang mga kamot ang mga masakiton ug mangaayo sila”; bueno, igsoon, kon ang pagtoo, kanang Hingpit nga Pagtoo, makuptan kana, ikaw . . . sa dihang miagi ka na nianang linya sa pagpaampo, maglukso-lukso gayud ka ug magasiyagit hangtud nga ikaw . . . sa pagbiya mo dinhi, “Wala na!” Wala na! Wala na gayud, natapos na! Kon aduna ka man og hangyo sulod sa imong kasingkasing ug toohan mo sa diha nga kana nga pag-ampo gihimo na para niana, pagatubagon kini, walay bisan unsa man nga imong gihangyo, mga dili mamatuman; sama niadtong babaye kaniadto nga may talinugo.

⁹³ Aduna si Jesus og Hingpit nga Pagtoo. Siya—aduna Siya niini, ug miabot kini tungod kay Siya mao ang Pulong. Ug mamahimo kang Pulong; mamahimo kang Pulong, sa diha nga ginadawat mo ang Pulong. “Kon nagapabilin kamo Kanako, ug ang Akong Pulong anaa kaninyo. Ang Akong mga Pulong nga . . .” (*kini nga Pulong*) “nagapabilin kaninyo, kung ingon-ana pangayo sa gusto ninyo, ug pagabuhaton kini alang kaninyo.” Kita n’yo? “Kung isulti mo sa niini nga bukid, ‘Pahawa ka,’ ug dili magduhaduha, kondili toohan kung unsay imong

gisulti, nan madawat mo kung unsay imong gisulti. Pagmoampo ka, toohan mo nga madawat mo kung unsay imong ginahangyo, ug madawat mo kini; igahatag kini kanimo.” Panahon man, espasyo man, bisan unsa pa man walay makapausab niini. Nasayod ka nga human na kini. Kini—human na gyud kini.

⁹⁴ Karon, bantayi! Karon, ug nag-ingon Siya kanato, “Kon nagapabilin kamo Kanako, ug ang Akong Pulong anaa kaninyo,” sa San Juan, dinhi, “hangyoon ninyo ang gusto ninyo, mamatuman kini.” Kung ingon-ana, ilha ang imong posisyon diha sa Kasulatan, ingon nga usa ka magtotoo. Kita n’yo, kinahanglan nga maila mo ang imong posisyon, sama nga naila Niya ang Iyang posisyon.

⁹⁵ “Dili ba nasulat na nga moabot ang Cristo, ug kung unsa ang tanan nga pagabuhaton sa Cristo?” Ang sulti Niya kang Cleopas ug kanila niadtong buntaga, “Dili ba nga nasulat na sa mga Kasulatan nga kinahanglan nilang. . . nga kinahanglan Niyang mag-antus ug dayon pagapatyon ug mabanhaw sa ikatulong adlaw?” Ingon pa, “Nganong hinayan man kaayo mo sa pagsabot?”

⁹⁶ Ug sa hunahuna nila, “Sus, kining tawhana lahi gyud manulti kay sa ubang tawo.” Nahibaloan na lang nila, nga sa dihang nakasulod na sila sa balay-abutanan, Siya diay kadto. Kita n’yo, nahipugngan ang ilang mga mata sa pag-ila Kaniya. Kita n’yo, nasayran nila nga padayon Siyang nagpahinungod niadtong Kasulatan, ug nailhan nila nga Siya Kadto.

⁹⁷ Karon, kinahanglan nga toohan mo kung unsa ang ginapangayo mo. Kung usa ikaw ka magtotoo, ilha ang kaugalingon mo ingon nga usa ka magtotoo. Ilha nga kini nga mga butang para kanimo.

⁹⁸ Kung adunay kasalawayon sa imong kinabuhi, tul-ira usà kana. Kita n’yo? Kung adunay kasalawayon sa imong. . . ako. . . o mahimong aduna ka’y Oral Roberts ug—ug usa ka dosena pa ka mga tawong adunay pagtoo nga moanhi dinhi ug iampo ka, ug maglukso-lukso, ug ginalon pa ka mga lana ang ibubo kanimo, kini—kini sa gihapon—dili kini magpulos. Husto kana.

⁹⁹ Unsa man kining mga migikan sa mga panagtigum ni Oral tungod niana? Nahinabi ko sila diha sa linya sa pagpaampo. Madungog mo Siyang nagaingon, “Naiampo ka na sa una. Usa ka tawong itum ang buhok, medyo dakuon nga lalaki, daku ang apapangig.” Si Oral Roberts kana. Kita n’yo? “Ug didto kadto sa *usa ka ingon-nianang* siyudad; gitawag nga *ingon-niini*, *ingon-nianang* butang.”

¹⁰⁰ “Oo, husto kana.” Kita n’yo?

¹⁰¹ “Naiampo ka na sa *ingon niini ug ingon nianang* lalaki.” Kita n’yo, sama niana. “Apan ania kini karon. Kini ang imong problema.” Kita n’yo? “Adto ka ug tul-ira usà kini. Adtoi didto ug itug-an kana nga sala ngadto sa imong bana, sa imong asawa.

Adto ug buhata *kini* nga butang.” Dili gyud kini mohatag kanimo og unsa man nga kaayohan, bisan kang kinsa ka pa mag-ampo, hangtud nga dili mo pa gitul-id kana. May pagsaway sulod sa imong kasingkasing, ug dili ang Dios mosulod sa niana nga kasingkasing nga adunay pagsaway. Kita n’yo? Ang Dios wala nagapuyo sa niana; kinahanglan nga tul-iron mo kini. Dayon pagnahitul-id mo na, kinahanglan aduna ka’y pagtoo. Kung okey na ang tanan, kinahanglan aduna ka’y pagtoo ug toohan kini. Ayaw kahadlok.

¹⁰² Diha sa Libro ni Job, nagaingon Kini dinhi, “Nahadlok si Job.” Ug kung unsa ang gikahadlokian niya, mao mismo ang nahitabo. Unsa man ang nagpahitabo niini? Ang iyang kahadlok. Mao kadto ang nagpahitabo niadto. Ang iyang pagtoo mao unta kadto ang nagpahilayo kaniya gikan niini, apan gihatud siya sa iyang kahadlok. . . gihatud kini ngadto kaniya. Nahadlok siya nga basin mahitabo kadto, ug nahitabo gyud kadto. Karon, kon—gihibalo niya nga dili kadto mahitabo, dili kadto mahitabo. Nakita n’yo kung unsay akong pasabot?

¹⁰³ Kon nahadlok ka nga sa pag-apil mo sa linya sa pagpaampo, “Basin karon wala ko’y igong pagtoo”; ah dili gyud kini mahitabo, mao nga ayaw kabalaka. Kita n’yo? Apan kon nasayod ka nga mahitabo kini, mahitabo kini. Kita n’yo? Kita n’yo, usa kini ka katinoan bahin sa usa ka butang. Nahadlok kaniadto si Job nga kadtong mga butang moabot kaniya, ug miabot gyud. Kon nahadlok ka nga ang imong balatian mobiya kanimo. . . o dili mobiya kanimo, dili gyud kini mobiya. Kung aduna ka’y pagtoo, nan mobiya kini.

¹⁰⁴ Pangutan-a ang si kinsa man nga doktor sa medisina. Ang unang butang nga paninguhaan niyang mapabuhat kanimo, mao nga magkaaduna ka og pagsalig sa tambal nga iyang igahatag kanimo. Kung wala ka’y pagsalig niini, maayo pang biyaan mo na lang kini. Kita n’yo? Sigurado! Unsa kini kung ingon-ana? Ang pagtoo ang maoy nagaayo; ang pagtoo ang maoy nagabuhat niini sa tanang panahon.

¹⁰⁵ Si Pedro, okey pa siya niadto hangtud nga nahadlok siya. Giingnan siya sa Pulong, nga mahimo siyang molakaw ibabaw sa tubig. Una nahadlok siya, abi niya usa—usa kadto ka kalag, ug miingon siya, “Ginoo, kung Ikaw man kana ugaling, paanhaa ako diha Kanimo sa ibabaw sa tubig.”

¹⁰⁶ Miingon, “Ari ka.” Karon, sama lang kana sa Santiago 5:14, sama lang sa Marcos 16. Ang mao ra nga Dios ang nagsulti Niini, miingon, “Ari ka.” Ug busa misugod siya sa paglakaw. Okey ang gibuhat niya, nanaug siya sa sakayan, misugod na sa paglakaw ibabaw sa . . .

¹⁰⁷ Aduna og usa ka makusog nga unos didto sa dagat, kabalo mo; daku, nagakalukot nga gabula nga mga balud, mas dagku pa kay sa niining nga bungtod dinhi, nagabula nga gakabungkag

ang ibabaw niini; makalilisang, mahimong kinse, baynte ka pye nga bula, gakangalukot nga balud nga gapanghampas. Ug usa kadto ka grabeng butang para pangayoon niya, “Kon Ikaw kini ugaling, Ginoo, . . .” Kita n’yo, mora’g Siya kaniadto og sama sa . . . sama sa usa ka anino o sama sa usa ka kalag. Miingon siya, “Kon Ikaw man ugaling kana, paanhaa ako diha Kanimo ibabaw sa tubig.”

108 Miingon si Jesus, “Ari ka.”

109 Ug nanaug siya, miingon, “Ang Ginoo kini, basta molakaw ako.” Apan sa diha nga gitan-aw niya ang mga balud, nahadlok siya. Unsa ang misulod sa iyang hunahuna? Ang unang butang, siya . . . “Magalakaw ako tungod kay nag-ingon kanako ang Pulong nga molakaw.” Ug ang sunod nga butang, milantaw siya sa iyang . . . bueno, gitan-aw niya ang iyang mga sintoma; gitan-aw niya didto ug nakita niya kung unsa ka dagku kadto nga mga balud, ug nahadlok siya; ug sa diha nga nahadlok siya, didto na siya nagakaunlod. Kita n’yo? Ang iyang gikahadlokan, nahitabo! Ang iyang gitooan, nahitabo! Sa diha nga mitoo siya nga makalakaw siya, nakalakaw siya; sa dihang gitooan niya ug nahadlok, sa gitooan niya, nan gibiyaan siya sa iyang katinoan. Kita n’yo? Gipahayag niya sa gihapon ang iyang pagtoo, apan wala na siya’y katinoan. Ang maong katinoan unta kadto ang nagpaibabaw niadtong gakangalukot nga balud ug mipadiretso kaniya ngadto kang Jesus, kita n’yo, kung aduna siya’y Hingpit nga Pagtoo. Kita n’yo? Apan wala siya niini. Abi niya nga anaa siya niini. Anaa siya niini sa sugod pa lang, nga andam gani siya mangahas mismo didto, “Aba, ang *Ginoo* nagsulti kanako nga buhaton kini, mahitabo gyud kini.” Busa nanaug siya mismo gawas sa sakayan, ug miadto na. Wala niya gihunahuna ang—ang—ang—ang mga balud, kung unsa man kadto ka supak. Wala niya gayud kadto gipasulod sa iyang hunahuna.

110 Karon, pagmohunahuna ka, “Bueno, kadiyut lang. Ug, kabalo mo, dugay na kaayo akong nagmasakiton, ako . . .” Hunong! Maayo pang mobalik ka na lang sa sakayan. Kita n’yo? Kita n’yo? Pero pag-undangon mo ang paghunahuna og bahin niana, . . .

111 “Wala giisip ni Abraham ang kaugalingon niyang lawas, nga daw patay na, bisan ang pagkapatay sa tagoangkan ni Sarah.” Wala niya gitan-aw kadto, bisan sa paghunahuna niini. Wala gani kadto gi—gipamalandungan. Wala man lang niya kadto giisip; ang giisip niya lang kung unsa ang giingon sa Dios, ug nagpadayon siya. Kutob—kutob nga gihimo kadto ni Pedro, nakalakaw siya.

112 Apan nagkinabuhi si Jesus diha sa usa ka kalibutan nga walay tawong nakasayod niini, usa Siya ka Tawong salikwaut. Nagkinabuhi Siya sa usa ka kalibutan nga iya sa Hingpit nga Pagtoo diha sa Hingpit nga Dios, nga Mao Siya. Kon

nagkinabuhi kita diha sa usa ka Hingpit nga Pagtoo sa pagka-Cristohanon, ngadto sa kung unsa kita, mamahimo kitang misterioso ngadto sa kalibutan; dili kamo masabtan sa mga tawo. Magalakaw kamo diha sa Espiritu. Kung unsa ang isulti sa Espiritu, pagabuhaton ninyo. Kung unsa ang Iyang ginadili, dili ninyo buhaton. Kung ingon-ana mosugod og ingon ang mga tawo...sila...mamahimo kamong usa—usa ka misteriosong tawo para kanila.

¹¹³ Ingon niana ang tanang magtotoo, misterioso sila. Dili makasabot ang mga tawo, tungod kay nagakinabuhi ang mga magtotoo sa usa ka kalibutan nga sila lang. Nagkinabuhi si Jesus kaniadto sa kalibutan nga walay si kinsa man makatandog. Dili Siya masabtan kaniadto sa mga tinun-an. Sa dihang misulti Siya kanila, mosulti sila og *ingon niini*. Ug mao nga misulti sila, “Aba, Ikaw—nagasulti Ka diha sa mga talinghaga! Among—dili namo masabtan kini. Unsaon man pagkahitabo niini?” Kita n’yo, wala sila sa kalibutan nga Iyang gikapuy-an. Kita n’yo, dili nila Siya masabtan, walay tawong makasabot Kaniya.

¹¹⁴ Ug busa sa diha nga ang usa ka tawo magkinabuhi pinaagi sa pagtoo ug magalakaw pinaagi sa pagtoo, ang pasabot ko kanang pagtoong may katinoan, siya’y linain gikan sa tibuk kalibutan ug nahimo nang usa ka bag-ong binuhat diha kang Cristo. Dinha ka, karon nagasulod ngadto sa pagka-Pangasaw-onon. Kita n’yo? Kita n’yo? Kita n’yo? Nagasulod ka na ngadto sa kahimtang nga mahimo ka nang sakgawon, karon. Nagakahulogan kana nga para sa matag usa kanato; dili lang nga pastor, mga diyakono, mga tinugyanan. Nagakahulogan kana og para sa mga yanong miyembro sa iglesia, nga ang matag indibiduwal nagalakaw diha sa usa ka kalibutan nga nag-inusara uban sa Dios. Nabautismohan ka na pasulod niining Ginghamar, ug wala na’y uban nga tawo didto kondili ikaw lang ug ang Dios. Kita n’yo? Siya ang nagahatag og mga sugo, ug ginatuman mo kini. Bisan unsa man ang Iyang pagaingnon, wala ni usa ka landong sa pagduhaduha ni asa man, gapadayon ka. Kung moingon ang Ginoo og *ingon niini*, walay ni usa ka tawo sa kalibutan ang makapagsulti kanimo pagawas niini, gapadayon ka sa gihapon mismo. Karon gapaingon ka na ngadto sa Hingpit nga Pagtoo, hingpit nga kahingpitan nga dili mapakyas. Ang *ingon niana* nga pagtoo wala gayud kapakyasan. Oo, usa Siya ka misterioso para kanila tungod sa Iyang Hingpit nga Pagtoo; ug mao kini usab karon sa kadtong mga adunay Hingpit nga Pagtoo, misterioso sila para ngadto sa uban.

¹¹⁵ Gikatudloan kita nga “sukli ang yawa, ug siya mokalagiw gikan kanato.” Karon, ang *pagsukol* mao lamang ang “pagbalibad kaniya”; *sukli* lang siya, kana ang “pagpahilayo lang gikan niini.” Nagsulti na ang Dios sa usa ka pihong butang; bisan unsaon pa niya pagpaninguha nga makigsulti kanimo, wala ka gayud nagapaminaw kaniya. Aduna ka’y...bungol ang

mga dalunggan mo sa bisan unsa pa man gawas lamang sa kung unsa ang ginasulti sa Espiritu. Kita n'yo? "Ang may igdulongog (nga nagapatalinghug), makita kung unsa ang ginaingon sa Espiritu ngadto sa mga iglesia"; kadtong mga adunay dapit-paminawan, nga nagasalo sa kung unsay ginasulti sa Espiritu ngadto sa mga iglesia. Kita n'yo?

¹¹⁶ Unsa ma'y ginasulti ni Satanas, "Bueno, dili ko gayud mahimong. . ." Wala kana og unsa ma'y. . . "Bueno, kung itudlo mo *kana*, ang denominasyon maga-. . ." Wala kana og unsa man nga kahilambigitan niini, nagapadayon lang siya mismo sa gihapon.

¹¹⁷ "Ang may igdulongog, magpatalinghug siya sa kung unsa ang ginaingon sa Espiritu ngadto sa mga iglesia." Kabalo mo, diha sa Biblia, kanunay Kining ginasulti ang ingon niana. "Ang adunay pagtoo. Ang adunay igdulongog, magpatalinghug siya." Kita n'yo? "Ang adunay kaalam, isipon niya ang numero sa mapintas nga mananap." Ang tanan na niining nagkalainlaing mga butang. "Siya nga aduna, ipasulti kini kaniya ngadto sa laing uban pa kanila, aron nga magkaaduna sila."

¹¹⁸ Ug mao kana ang pagtoo nga atong ginahisgotan karon, pagtoo nga kinahanglan aduna ka, kanang Hingpit nga Pagtoo; kanang Pagtoo nga nagaingon, "Oo!" Walay mahimong makasulti og "dili" pagmosulti ang Dios og, "Oo." Kita n'yo? Pagmosulti Siya og "Oo," "Oo" gyud kini! Ug wala na og bisan unsa pa nga makaagaw Niini gikan kaninyo.

¹¹⁹ Tungod sa Iyang Hingpit nga Pagtoo, talagsaon gayud Siya. Ug dili kaayo makadugay Kaniya ang yawa. Nahisgotan nato kini sa maong leksyon kaganinang buntag. Sa dihang miduol niya nga dala kadtong dakung pagpanghambog sa—sa pang-intelektuwal nga panghunahuna, ninghambog siya kang Jesus didto sa dihang miduol siya, ug nakaplagan niya nga ang giduolan niya usa ka libo nga boltahe sa kuryente: gibalibag siya niini balik. Oo sir. Miingon Siya, "Nahisulat na, ang tawo mabuhi dili sa tinapay lamang!" Whew! Nakuryentehan siya niadto.

Pagkasunod higayon miduol siya nga medyo mas malumo na, sa dihang miingon siya, "Karon usa Ikaw ka halangdong Tawo, mahimo Mo baya ipanghambog ang Imong Kaugalingon dinhi, mamahimo kang inila."

¹²⁰ Miingon, "Pahawa ka Kanako, Satanas." Oh, sus, daw sa unsa kadtong iyang nahimamat! Ug, "Ayaw pagtintala ang Ginoong nga imong Dios." Kita n'yo, gipamatud-an Niya kang Satanas nga Siya mao ang Ginoong Dios. "Kay nahisulat na, 'Ayaw pagtintala. . .'"

¹²¹ Karon, kung—kung wala naila ni Satanas nga kadto mao ang Ginoong Dios, miingon unta siya "Kadiyut lang, dili Ikaw

nianang Persona.” Apan nakaila siya niadtong tungora kay sa makiglalis pa siya Kaniya.

¹²² Nahibalo Siya kung asa Siya gabarug. Miingon Siya, “Ayaw pagtintala ang Ginoo nga imong Dios.” Ug mao kana kung Kinsa Siya. Ug nasayod gyud niana si Satanas kay sa lalison pa kana, tungod kay gipamatud-an na sa mga buhat ni Jesus nga Siya mao ang Ginoo nga inyong Dios.

¹²³ Himatikdi karon ang usa pa. Ang Hingpit nga Pagtoo mao ang mangdadaug sa tanang kahimtang. Ginadaug sa Hingpit nga Pagtoo ang tanang kahimtang. Bisan unsa pa kini, ginadaug Niya kini. Karon, tan-awa gayud! Pagnagatoo ka sa unsa mang butang, ginabuhat ang unsa man, ug may pagtoo ka sa kung unsa man ang ginabuhat mo; bisan unsa pa ang kahimtang niini, wala kini ni unsa man nga kahilambigitan niini. Kita n’yo, ginadaug niini kana nga kahimtang. Kon kini man anaa diha sa usa—usa ka lawak sa balatian, ug nagpadayag ang Ginoo nga kining usa ka pihong butang mahitabo, imo lamang kini isulti ug padayon ka.

¹²⁴ “Oh, dili ba ang . . . ?” Wala ka na nagapangutana pa og unsa man. Human na kini, padayon ka lang. Kita n’yo? Ginadaug niini ang tanang kahimtang. “Buena, kung buhaton mo *kana*, buhaton ni *Ingon-ani ug ingon-ana* ang . . .” Kana . . . nakita n’yo, human na Niini gidaug kini. Kita n’yo?

¹²⁵ Ang pagtoo nagatoo nga ang Dios ang mamuhat niini. “Wala ko kahibalo kung unsaon Niya pagbuhat niini, apan pagabuhaton Niya kini sa gihapon.” Kita n’yo? Ginadaug Niini ang tanang kahimtang.

¹²⁶ Ug magkaparyente ang pagtoo ug ang gugma, tungod kay dili mahimong magkaaduna ka og pagtoo nga walay gugma, tungod kay ang imong pagtoo anaa diha sa usa ka Dios Nga mao ang mismong pinaka-kinaiyahan sa gugma. Magkauban nga nagapamuhat ang pagtoo ug ang gugma.

¹²⁷ Sa karon, sama lang sa duha ka batan-on. Ipananglitan mo ang usa ka batan-ong lalaki ug batan-ong babaye, ug gihigugma nila . . . nahigugma sila sa usa’g usa. Ug sa diha nga padayon sila ug gasugod nga maila pa ang usa’g usa, gasugod usab ang ilang kasingkasing sa pagpitik nga usa ra. Kita n’yo? Sila’y—sila’y . . . nga dili pa sila magtiayon, apan ang gugma nila mao ang nagabugkos kanila, ug aduna sila’y pagsalig sa usa’g usa. Karon, kon nahigugma gyud sila sa usa’g usa, tinuod gyud nga naghigugmaay, ug nasayod ka nga gihigugma ka niining babaye ug—ug nasayod usab siya nga gihigugma mo siya, aduna kamo’y pagsalig (pagtoo sa usa’g usa) kung aduna kamo’y pagtoo sa usa’g usa; kung wala, mas maayo pa nga dili mo siya minyoan. Kita n’yo?

¹²⁸ Himatikdi, kinahanglan aduna ka’y pagtoo. Ug bulagon mo man sila ug ibutang mo ang usa didto sa pinakatumoy’ng

habagatan ug ang usa didto sa pinakatumoy'ng amihanan, aduna sa gihapon kanang gugma nga nagapitik para sa usa'g usa, bisan asa man sila. Ingon niana gayud sila ka matinuuron sa usa'g usa, tungod kay nahigugma sila sa usa'g usa. Ug kung nahigugma ka sa Ginoo, dili lang tungod sa pagpaninguha nga makaikyasa sa impiyerno, kondili nahigugma gyud ka sa Ginoo, kung ingon-ana aduna ka'y pagtoo sa Dios; kita n'yo, kon nahigugma ka Kaniya.

¹²⁹ Sama sa usa—usa ka batan—ong babaye. . . nga bag—ohay lang nahitabo dinhi sa Louisville, dili pa lang dugay. Usa ka babaye, siya usa—usa siya ka. . . usa ka Cristohanon sulod na sa daghang mga tuig, apan ang iyang bana. . . nahigugma, nahigugma siya sa niini nga lalaki. Cristohanon usab ang maong lalaki, mga duha ka tuig. Ug busa nagpakasal sila; ug nahigugma sila ug may pagsalig sa usa'g usa, ug nagpakasal sila. Ug busa miingon ang babaye sa lalaki, miingon, “Bana ko, siguradong malisud kini kanimo, usa ka ka bag—o lang nahimong Cristohanon. Grabe ang kinahanglan mong agian.” Kadto mao ang pag—inom og makahubog nga ilimnon. Miingon, “Grabe gyud ang pagaagian mo.” Ug miingon, “Nasayod ako nga matintal gyud ka og ayo.” Ug miingon pa, “Gusto ko karon nga mahibalo ka sa usa ka butang. Karon, kung mahitabo man nga madala ka, kung mahitabo man nga ikaw—ikaw madala sa mga pagtintal ug madaug, ayaw pahilayo sa balay; balik ka. Pag—uli mismo dinhi, tungod kay ako—ania lang ako mismo dinhi nga nagahulat kanimo, ug tabangan ta ka sa pag—ampo na usab hangtud nga maangkon mo ang kadaugan. Magapabilin ako kanimo, tungod kay sa diha nga ako nagpakasal kanimo kaniadto, nagpakasal ako kanimo tungod kay gihigugma ta ka. Ug bisan unsa ka pa, gihigugma ko ikaw sa gihapon.”

¹³⁰ Pila ka adlaw human niadto, gakaon siya sa iyang paniudto uban sa iyang mga kauban didto sa boiler room, giestoryahan niya sila bahin niini, miingon, “Karon, makahimo pa ba ang usa ka tawo og unsa man nga sayup sa dihang may tawong nahigugma kanimo nga sama niana?” Kita n'yo?

¹³¹ Tan—awa. Unsaon—unsaon mo man pagkahimo nga lapason kana nga pagsalig?

¹³² Ug sa diha nga kita mga makasasala kaniadto, mga nahimulag, walay Dios; dinhi sa kalibutan, dinha nianang mahugaw'ng yuta, sama sa gihisgotan ko kaganinang buntang, miabot ang Dios para kanato! Gipangita ka sa Dios, wala gyud ka nangita sa Dios. “Walay makahimo sa pag—ari Kanako gawas lamang kon pagadanihon siya usà sa Amahan.” Ug nanaug ang Dios para nianang hugaw, kung unsa ka kaniadto, ug gipangita ka ug gidala ka pagawas! Angay lang nga magbuhat kana og Hingpit nga Pagtoo. Tan—awa kung unsa ka kaniadto, ug tan—awa kung unsa ka karon. Unsa man ang nakapahimo niana? Aduna'y nahigugma kanimo! Dili ka ba makahimo sa pagtoo kung unsa

ang gisaad Niya para kanimo, kung ingon-ana? Ang tinuod nga gugma makapamunga og pagsalig sa Iyang Pulong.

133 Gisalo Niya ako niadtong wala ko’y kapuslanan. Wala ako’y pulos sa gihapon, apan anaa na ako sa Iyang kamot. Kita n’yo, gisalo Niya ako. Ug gihigugma Niya ako sa dihang dili ako kaniadto hiligugmaon. Gihigugma Niya ikaw sa diha nga dili ka hiligugmaon, apan gibag-o ka Niya. Sama lang sa giingon sa usa ka itum natong igsoong babaye, niadtong panahon nga nagpamatuod siya, miingon siya, “Ako—dili ako kung unsa ako angay, ug dili ako kung unsa nga gusto kong mamahimo, pero dili na ako kung unsa ako kaniadto!” Nasayod siya nga may nadangtan na siya, may kung unsa nga nahitabo. Ug ingon niana kini. Kon ang Dios, sa nahimulag ako Kaniya kaniadto, nahigugma gayud kanako hangtud nga Siya mipaubos aron adtoan ako ug kuhaon ako, nagahatag kini kanako og pagsalig nga gusto Niyang gamiton ako. Aduna Siya’y katuyoan sa pagbuhat niini. Aduna Siya’y nakita kanako. Aduna Siya’y nakita kaninyo. Aduna Siya’y katuyoan aron luwason kamo, tan-awa ang mga tawo karon nga dili-luwas. Tan-awa ang mga minilyon nga mahimo Niyang luwason unta imbis nga kamo, apan kamo ang Iyang giluwat. Amen! Wala ni usa ang makaagaw sa inyong lugar. Amen! Mga anaa kamo sa ekonomiya sa Dios. Walay makabuhat niini. Ingon niana ang Iyang Gugma nganha *kaninyo*.

134 Kung ingon-ana, dili ba nga angay lang nga ipaabot usab ninyo ang inyong gugma ngadto Kaniya? Ug adunay relasyon sa paghigugmaay. Bisan unsa pa ang sitwasyon, ang mga kahimtang niini minandoan na niining Gugma nga nagapamunga og Pagtoo: nga gihigugma ka sa Dios ug gihigugma mo ang Dios, ug nahigugmaay kamo, ug—ug mao kana ang nagahatud sa Pagtoo. Sige. Kung ingon-ana dili niini—dili niini mapugngan ang pagpamunga sa eksakto kung unsa ang gisaad sa Dios nga buhaton niini.

135 Karon, bantayi! Putli ang Hingpit nga Pagtoo, sama sa kung unsa ka putli ang gugma. Kita n’yo? Karon, pagnahigugma ka sa usa ka tawo, ug aduna ka’y . . . nahigugma ka sa imong bana o nahigugma ka sa imong asawa. Karon, wala na’y kinahanglan pa kang bisan kinsa man nga sultihan kang “wala ka” nahigugma, tungod kay ikaw nahigugma gayud, ug nasayod ka nga nahigugma gayud ka.

136 Karon, kon pangutan-on ta ka, “Unsaon mo—unsaon mo man pagpamatuod niini?”

137 “Oh, mapamatud-an ko kini pinaagi sa kung unsa ako nagakinabuhi para kaniya.” Kita n’yo? “Usa ako ka matinuuron, matinud-anon nga asawa. Usa ako ka masaligan, matinud-anon nga bana, ug nagapamatuod kana kanako nga ako—nga ako nahigugma sa akong asawa; o nahigugma ako sa akong

bana.” Kita n’yo, ang imong kinabuhi nagapamatuod kung unsa ikaw. Ingon niana usab ang pagka-Cristohanon. Kita n’yo? Ang imong pagtoo, aduna kamo’y pagsalig sa usa’g usa, putli kini. Ug butang kini nga tinuod gayud, nga dili mo kini mapakita kang kinsa man, pero aduna ka niini, ug ang imong mga lihok nagapamatuod niini.

¹³⁸ Ug kung aduna ka’y putli, walay-sagol nga Pagtoo, sama sa imong gugma sa imong kapares, kung ingon-ana mapamatuod-an mo kini pinaagi sa imong mga paglihok. Wala ka na’y mga pagreklamo, kabalo ka nga human na kini, padayon ka lang nga nagalakaw. Bisan unsa pa ang itsura sa maong butang, unsa pa’y ingnon ni kinsa man, nasayod ka kung unsay nahitabo. Nasayod ka nga human na kini; sa ingon nga nasayod ka nga nahigugma ka sa imong bana, sa ingon usab nga nasayod ka nga nahigugma ka . . . Kita n’yo, gauban gayud ang gugma ug pagtoo. Magkaparyente ang mga niini, gahigugmaay sila. Ang gugma nagapamunga og Pagtoo.

¹³⁹ Pagtintalon kita ni Satanas, ato siyang suklan nga may Hingpit nga Pagtoo diha sa Hingpit nga Pulong, sama sa gibuhat ni Jesus. Hingpit ang Pulong sa Dios. Kinahanglan nga aduna kita’y Hingpit nga Pagtoo sa niining Hingpit nga Pulong, ug suklan si Satanas.

¹⁴⁰ Karon dalion nato, sama sa kaagpas nga mahimo nato.

¹⁴¹ Pinaagi sa Iyang Pagtoo diha—diha sa Iyang Pulong kita (Siya ang gapangdaug), mahimo natong madaug ang bisan unsa man: bisan ang kamatayon, ang impiyerno, ug ang lubnganan. Nahibalo kita nga Dios ang Dios, nga sa Hingpit nga Pagtoo diha sa Hingpit nga Pulong sa Dios, gidaug Niya ang tanantanang nga naatubang Niya. Dili gani makatindog ang kamatayon diha sa Iyang Presensiya. Dili makatindog ang balatian diha sa Iyang Presensiya. May nagadagayday gikan Kaniya nga sama sa mga suba sa gahum, walay-hunong nga nagagawas, gahum nga nagagikan sa Iyang bisti. Kadtong mga tawo, nga masakupan sa Iyang mga landong; pagkaduol, hikapon lang sa ilang tudlo ang Iyang bisti ug mangaayo na sila. Sa diha nga gihimo kadto sa babaye, gusto na dayon nga hikapon ang Iyang bisti, tungod kay nakita nila nga adunay gahum nga walay-hunong nga nagagawas gikan Kaniya, nagadagayday nga sama sa mga suba. Ingon niadto Siya, nga nagalakaw, nagalakaw sa kalibutan nga may Hingpit nga Pagtoo, tungod kay Siya mao ang Pulong.

¹⁴² Ug karon, “Kon magapabilin kamo Kanako,” pinaagi Kaniya, Iyang gihatud kaninyo ang Pulong; “ug nga ang Akong mga Pulong nagapabilin diha kaninyo,” kung ingon-ana manglakaw kamo diha sa mao rang matang nga dalanon: mga gahum nga nagadagayday gikan kaninyo, mga agay sa mga tuburan sa mga panalangin nga iya sa Dios nga basta lang nga nagadagayday ngadto sa mga tawo. Nakita n’yo ang pasabot

ko? Ug wala ninyo kini ginatumotumo lang, wala ninyo kini ginahanduraw lang. Tinuod gyud kini nga nagakahitabo, ug makita ninyo kini. Kung inyo lang kini ginahanduraw, walay unsa man nga kaayohan ang mahimo niini; apan kung kini anaa gyud dinha, nan nagakahitabo gyud kini.

¹⁴³ Karon himatikdi! Kita n'yo, pinaagi Niini, sa diha nga mitindog Siya didto ug miingon, “Kung inyong gub-on kini nga Lawas (king Temploha), pagapatindogon Ko Kini pag-usab sulod sa tulo ka adlaw.” Ngano man? Ingon Siya niadto ka sigurado nga buhaton Niya kadto, tungod kay ang mga Kasulatan nag-ingon nga buhaton Niya kadto (ang Mesias): “Dili Ko pagabiyaan ang Iyang kalag sa sheol, ni motugot Ako nga ang Akong Balaan makakita og pagkadunot.” Usa ka propeta, kinsa nga kaniya ang Pulong nagaabot, ang nag-ingon nga mahitabo kana, ug nasayod Siya nga Siya kadto ang maong Persona.

¹⁴⁴ Ug sa diha nga ang . . . si Jesus, Mismo, nag-ingon, “Ang pag-ampo nga inubana’g pagtoo magaluwas sa masakiton,” o “Ilang pagapandongan sa ilang mga kamot ang mga masakiton, ug mangaayo sila.” Kon . . .

Kinahanglan nga aduna ka og mao usab nga pagsalig nga “sa diha nga naipandong na ang mga kamot diha kanako, mamaayo ako,” tungod kay Siya ang nagsulti niana.

¹⁴⁵ Miingon Siya, “Inyong gub-on Kini nga Lawas, ug Ako Kini pagabanhawon,” tungod kay nasayod Siya nga Siya mao ang Mesias. “Dili Ko pagatugotan ang Akong Balaan nga makakita og pagkadunot”; nasayod Siya nga Siya ang Mao Kadtong Balaan. “Ni pagabiyaan Ko ang Iyang kalag sa sheol”; wala Niya gibayaan. Nasayod Siya nga pagabuhaton Niya kini. Aduna Siya og pagsalig nga atua Siya didto aron parehong daugon ang kamatayon ug ang impiyerno, miingon, “Gub-a ninyo Kini, kung gusto ninyo, ug Akong pagabanhawon Kini sulod sa tulo ka adlaw.” Oh, sus! “Aduna Ko’y gahum nga ihalad ang Akong kinabuhi, o aduna Ko’y gahum nga pagabanhawon kini”; Nakaila Siya kung Kinsa Siya.

¹⁴⁶ Usa ikaw ka Cristohanon. Aduna ka’y katungod ngadto sa bisan unsa man nga mga panalangin sa pagtubos nga gikamatayan ni Jesus para kanimo. Imo kini tanan! Gibayaran na kini, imo lang kini toohan. Dili nga handurawon kini; kondili toohan kini, ug hibalong nga imoha kini, ug mahimo nga maangkon mo kini. Oh, mao kana ang Pagtoo nga nagapangdaug; hibaloa! Oo.

¹⁴⁷ Nasayod na Siya kaniadto pa nga mahitabo kini. Mahimo Niyang isulti nang daan nga mahitabo kini, tungod nga nasayod gayud Siya nga mahitabo kini; ug unsa man ang isulti na Niyang daan, nagakatuman kini. Karon, bantayi! Bisan unsa man ang isulti Niya, ginatuman sa Dios kung unsa ang isulti

Niya. Hunahunaa kana! Ang bisan unsa nga gisulti ni Jesus, ginapahitabo Kadto sa Dios. Busa, nasayod Siya nga ang Iyang mga Pulong maoy mga Pulong sa Dios. Karon, tan-awa! Kanang mao ra nga Kasulatan nagabalik na usab mismo kanato, “Kung mag-ingon *kamo* niining bukira.” Oh, sus! Ako—ako gayud medyong ipatuhop kana, nakita n’yo, tungod nga magpahigayon kita og linya sa pagpaampo. Atong ipapauli ang kongregasyon ug mangampo kita alang sa mga masakiton, kadtong mga gustong... molakaw na.

¹⁴⁸ Tan-awa! Nahibalo Siya nga napahimuot Niya ang Dios. Nasayod Siya nga wala gayud og bisan unsa man diha sa Iyang kinabuhi. Nagpamatuod na ang Dios, “Kini mao ang Akong Anak nga hinigugma nga Kaniya adunay kalipay Ako, Kaniya magpatalinghug kamo! Kini mao ang Akong Anak nga hinigugma nga Kaniya adunay kalipay Ako nga puy-an,” niadtong adlaw sa pagbautismo Kaniya. “Nalipay Ako nga maghimo og Akong puloy-anan dinhi, wala man lang og unsa man nga pagkasalawayon Kaniya.”

¹⁴⁹ Karon, sa diha nga ang mao ra nga Dios moanha kanimo, ug malipay nga magpuyo diha kanimo, malipay nga tumanon ang imong pulong, kung unsa man ang desisyon mo, . . . Unsa man ang desisyon kaniadto ni Josue? “Humunong ka, adlaw!” Ug mihunong kini didto. Amen! Oo! Unsa man ang desisyon ni Moises kaniadto? Gibayaw ang iyang sungkod didto sa—sa suba nga sama *niana*, ug nanawagan alang niini nga “Bumuka ka!” Ug mibuka kini! Kita n’yo, bisan unsa man imong pangayoon. “Ug kung moingon ka niining bukira, ‘Pahawa ka,’ ug dili magduhaduha, kita n’yo, diha sa imong kasingkasing, kondili toohan nga kung unsa man ang imong gisulti mamatuman, maangkon mo kung unsay imong gisulti.” Mao kana ang nagaplastar *kanimo* balik sa Pulong. Karon, dili kana gatas. Kita n’yo? Ginapahibalik *ka* niini. Kabalo ko nga molagpas lang kini sa ibabaw ninyo, tingali, kita n’yo, tungod kay dili kini makaangkla. Apan sa matuod, tinuod nga pagtoo masalo kana, mismo dayon karon.

¹⁵⁰ Nakita ko na kini, higala. Ania kining Biblia nga nakaabli sa atubangan ko. Nakita ko na kini nga nahitabo, ug nasayod ako nga ang Kamatuoran kini. Nahibalo ako, ang Dios sa Langit nahibalo, nga mahimong dili na ako mabuhi aron humanon kini nga mensahe, apan ako—kabalo ako nga nahitabo kini. Nakita ko kini mismo. Usa ako ka saksi nianang Pulong nga nagakatuman, nga nasayod ako nga kini mao ang Kamatuoran: nga isulti kini, ug motindog didto ug makita ang Magbubuhat nga ginapatungha mismo ang usa ka buhing binuhat, dinha mismo sa atubangan sa imong mga mata; lingolingoan mo na lang ang imong ulo ug mahibulong; ug dayon tan-awon na usab didto ug makita Siya nga ginapatungha ang usa niini usab, sama gayud niana, tungod nga gisulti *mo* ang ingon-niana; ug

paglingi mo dinhi dapit ug nagaingon, “Magkaaduna og usa pa niini dinha,” ug sa pagtan-aw ko, ug atua na usab kini! Karon, kamatuoran kana.

¹⁵¹ Oh, asa na ba kita kinahanglan? Kadto ang Hingpit nga Pagtoo. Walay panan-awon, “Isulti lang ang Pulong,” wala gyud ko’y nakita nga squirrel. Iya lang gisulti *kini* nga Kasulatan, kung unsa kini, ug “Isulti kini, ug dili magduhaduha niini; apan kung unsa man ang imong gisulti, motungha kini dinha.” Ug gitooan ko ang Dios sa Iyang Pulong, ug mitungha kini didto. Husto kana. Ingon niadto kadto ka gamhanan. . . Ug higala, ingon nga inyong pastor, ingon niadto kadto ka gamhanan sama sa gipahunong niadto ni Josue ang adlaw; tungod kay ang adlaw atua na daan didto, nagalihok na ang maong butang, ug gipahunong niya ang maong paglihok. Apan kini, gipatungha Niya ang usa ka butang didto nga wala didto, nagbuhat Siya gikan sa wala! Nalipay gyud ako nga maila ang Dios nga mahimong kuhaon ang usa ka abog sa yuta, sa umalabot, nga sa walay unsa man, ug tawgon ako balik ngadto sa pagkabuhi pag-usab, sa nianang mao ra nga pagtoo, human nga nalubong na ako diha sa lubnganan. Oh, sus! Ingon niana kini.

Nagapaabot ang akong pagtoo alang Kanimo,
Ikaw nga Cordero sa Kalbaryo,

¹⁵² Isulti mo ug dili magduhaduha, kondili toohan kanang unsay imong gisulti, maangkon mo ang gisulti mo. Kita n’yo, toohan nga mahitabo kini!

¹⁵³ Si David, diha sa Mga Salmo, naghisgot bahin Kaniya. Ug pinaagi niini, gigamit Niya ang Iyang gahum ug nangalagad Siya ngadto sa uban. Dili lang nga gikuptan Niya kini sa Iyang Kaugalingon, kondili nangalagad Siya ngadto sa uban pinaagi niini; nagluwas usab sa uban, bisan ngadto sa mga kinatumyan na nga bahin, ug mahimo Niya ang mao ra nga butang sa gihapon karon. Ug gisaad ang mao ra sa gihapon nga pagtoo ngadto sa mga magtotoo, diha sa Iyang Pulong, ug sa Juan. . . sama sa Juan 14:12, ingon niana ang Iyang gisulti; Marcos 16; ug Marcos 11:23 usab, nga bag-o lang nato gibasa.

¹⁵⁴ Karon, himatikdi. Karon, nagpakita Siya kanato diha sa mao ra nga porma nga Iyang gibuhat kanila kaniadto diha sa Daang Tugon, ug mao ra sa gihapon sama sa Iyang gibuhat diha sa Bag-ong Tugon; ug gipakita pinaagi sa mao ra nga Pulong, ang mao ra nga Cristo. Ug ginapahayag ko kaninyo nga ang Cristo mao ang Espiritu Santo. Ang—ang pulong nga *Cristo* nagakahulogan “ang usa nga dinihogan”; usa ka tawong dinihogan, mao kana ang Cristo, ang usa nga dinihogan. Pila ba kaninyo ang nasayod nga matuod kana? Kana’y nagakahu- . . . Ang usa nga dinihogan, moabot ang usa ka tawo nga dinihogan. Dinihogan sa unsa? Nagaingon ang Biblia diha sa Mga Buhat 2, nga si Jesus nga Nazaretnon, usa ka Tawong gipamatud-an sa Dios, dinihogan

sa Espiritu Santo; milakaw sa pagbuhat niini ug nagpamuhat sa halangdong mga buhat ug ingon-anang mga butang, kita n'yo, nga nahipadayag ang Dios, nagpamatuod nga Siya ania niining Tawhana.

¹⁵⁵ Ug karon, nahimo kitang mga dinihogan pinaagi nianang mao ra nga Espiritu, dinihogang mga mesias; mga mesias sa kaulahiang adlaw, aron ipadan-ag ang pagkabanhaw ni Jesus Cristo; aron ipakita nga Siya dili-patay, apan anaa diha sa porma sa Espiritu Santo, nga anaa Siya sa Iyang mga tawo; nagapanglihok diha sa Iyang Pangasaw-onon, nga may relasyon sa paghigugma ngadto sa maong Pangasaw-onon, ginabubo ang Iyang Kaugalingon ngadto sa Pangasaw-onon, Siya Mismo. Nagakahimo na silang usa ra para sa Pangkasal nga Panihapon; ug ang mao ra nga mga ilhanan, nga gisaad sa mao ra nga Dios, diha sa mao ra nga Pulong, nagapamuhat sa mao ra nga mga pagpadayag.

¹⁵⁶ Wala na'y nahibilin para buhaton pa nato kondili ang toohan lamang Kini, ug “ang pagtoo niini” mao ang *katinoan*, ug mao kana ang nagapabunga og Hingpit nga Pagtoo. Hunahunaa lang kung unsa—kung unsa kita ka walay-pagbati; hunahunaa lang ninyo kana sa makadiyut lang, karon.

¹⁵⁷ Karon, tan-awon nato. Nahimo ba Niya ang tanan nga maayo? Aduna ba Siya'y giingon kanato og bisan unsa man, kondili nangahitabo gayud eksaktong sama mismo sa pagkasulti Niya niini? Dili ba nga namuhat Siya, ug dili ba nga anaa man sa taliwala nato ang gamhanan nga Haliging Kalayo ug namuhat nga eksaktong sama sa gisaad Niya nga pagabuhaton? Dili ba nga nakita man nato Kini? Dili ba nga nakudakan man Kini sa siyensiya, human nga nasulti nang daan kung unsa ang mahitabo; nga atua mismo didto ug dili ba nga nahisulat man kini diha sa mga mantalaan ug mga magasin, gimantala mismo ug gipakita kini, sa diha nga nahisulti nang daan kini kaninyo pila ka bulan sa wala pa kadto nahitabo? Dili ba nga gibuhat Niya mismo sa eksaktong paagi kung unsa ang gibuhat Niya diha sa Daang Tugon, ug diha sa Bag-ong Tugon? Ug Kini eksakto ang mao rang Usa sa gihapon! Nagaabot ang mao ra nga Balaang Espiritu, ug nga mao ang Magtutugkad. “Ug ang Pulong sa Dios, nga mas maabtik ug mas mahait kay sa espada nga duhay-sulab, ang Magtutugkad sa mga hunahuna ug mga katuyoan sa kasingkasing.” Dili ba kana husto? Dili ba kana ang mao ra nga Dios? Karon, kanang Mao ra sa gihapon, dili usa ka dumuloong nga gikan pa sa kung asa, ania Siya dinhi. Ania Siya dinhi, nga ginabuhat kini aron magpapabunga og Hingpit nga Pagtoo. Mabati ko Siya. Nahibalo ako nga ania Siya karon. Nahibalo ako nga ania ang Iyang Espiritu. Nahibalo ako nga nasayod Siya sa tanang butang. Amen! Ug nahibalo ako nga gusto Niya nga—nga magbuhat og usa ka butang. Kaganina pa Siya nagapamuhat sa

usa ka butang, aron—aron nga mapahigayon kining paghingpit sa pagtoo sa mga tawo.

158 Pagasudlon ba nato ang Eternidad, sama sa nahitabo kaniadto sa mga adlaw ni Noe, nga walo ka kalag ang naluwad? Mamahimo ba kita nga sama ni Lot, uban sa tulo nga migawas sa Sodoma? Mamahimo ba kita, sama niadtong mga adlaw ni Juan nga Bautista, uban sa unom ka mga magtotoo? Magtoo kita, tungod kay hingpit ang Iyang mga buhat! Adlaw-adlaw ug hingpit nahipadayag ang mga niini sa atubangan nato, ginapakita nga Siya mao ang Pulong, ang Pulong! Mga Hebreohanon, sa ika-4 nga kapitulo, nagaingon.

. . . ang pulong sa Dios maoy . . . labi pang mahait kay sa espada nga duhay sulab, . . . motugkad bisan sa mga hunahuna ug mga katuyoan sa kasingkasing.

159 Hunahunaa kana! *Ingon niana* ang Pulong sa Dios, Magtutugkad sa mga katuyoan sa kasingkasing. “Kay ang Pulong sa Dios buhi ug nagalihok nga gamhanan ug labi pang mahait kay sa espada nga duhay sulab, nga nagadulot ngadto sa gitagboan sa kalag ug espiritu, ug sa mga lutahan ug sa mga kauyokan, ug Magtutugkad sa mga hunahuna ug mga katuyoan sa kasingkasing.” Ang Pulong nga nahimong unod! Alleлуйah! Ang Pulong nga nagadumala sa lawas sa tawo, pinaagi og pisikal nga mga ilhanan, pinaagi sa materyal nga mga ilhanan, pinaagi sa Makasulatanong mga ilhanan, sa hingpit nga paagi, aron nga maihatud kaninyo ang Hingpit nga Pagtoo para sa Hingpit nga Pagsakgaw.

160 Nganong dili man kita makakita Niini? Dili man pang-misterio; ang tanan sa kalibutan gibutang na sa yawa sa atubangan ninyo, sa pagpaninguha nga ipahilayo kamo, himoon kamong . . . pugngan kamo aron toohan Kini. Moapil siya sa panagtigum ug paninguhaong isalibay sa inyong atubangan ang tanang butang nga mahimo niya. Iyabyab kini pahilayo kanimo! Nagaingon ang Biblia, “Pagtindog ug iyabyab ang imong kaugalingon.” Kusia ang imong kaugalingon.

161 Ania ang Iyang Espiritu, nakaila Siya kanimo. Adunay usa ka butang nga kinahanglan mong buhaton, ug kana mao nga toohan Kini, nga dawaton Kini. Nahibalo Siya. Nagatoo ka ba niana? Nahibalo Siya kung unsa ang anaa sa sulod kanimo, nakaila Siya kung unsa ka, nasayod Siya kung unsay imong tinguha, nasayod Siya kung unsay imong mga panginahanglan.

162 Jim, nagatoo ka ba nga nasayod Siya mahitungod sa nianang bata? Gikuha mo ang iyang temperatura sa wala pa mo milakaw, usa ka gatus ug lima. Nagatoo ka ba nga ayohon Niya kini? Mianhi kini, karon, nga masakiton. Mawala na kini. Bag-o ko lang gilantaw didto ug nakita sila sa wala pa sila mibiya sa ilang balay, kung unsay ilang gibuhat. Karon, matuod kana.

¹⁶³ Mrs. Little, nagatoo ka ba nga pagahatagan ka sa Dios og kadaugan batok nianang diabetes? Adunay usa ka babayeng nagalingkod sa tupad mo, wala ko nakaila kanimo, apan anaa ang Espiritu diha kaniya. Ang gikabalak-an niya maoy mahitungod sa usa ka gamay'ng...aduna siya'y anak nga gikinahanglan operahan sa mata o unsa man. Siya'y taga-Chicago. "Mas maabtik, mas gamhanan, kay sa espada nga duhay sulab; usa ka Magtutugkad." Unsa kini? Ang Pulong! Nagatoo ba kamo niana? Sigurado.

¹⁶⁴ Adunay usa ka babayeng nagalingkod sa sunod mismo nga laray dinha; bag-o lang gioperahan sa mata, dili maayo ang pagkaopera. Apan ikaw—nagatoo ka ba Niini, kini'y...ikaw—mamaayo ka na. Nagatoo ka ba Niini? Sige. Siya, ginahunahuna pa niya kini.

¹⁶⁵ Mrs. Peckenpough, dili kini para kanimo, para kini sa apo mo nga nagalingkod dinhi. Nagaampo ka bahin niini, apan nagatoo ka ba nga ayohon kini sa Dios? Nagatoo ka ba nga mahimong isulti kanako sa Dios kung unsa ang problema kaniya. Dili masayran sa mga doktor; dili. Husto kana. Nanghubag nga mga baga. Husto kana. Aduna siya'y sakit sa dugo. Husto! Medyo nalibog sila kung paeskwelahon pa ba nila siya o dili. "Mas maabtik, mas gamhanan, kay sa espada nga duhay sulab."

¹⁶⁶ Makita ko ang usa ka babaye nga dili na makakaon. Anaa siya sa usa ka dapit, makita ko lang unta ang iyang nawong kung asa man. Oo, naglingkod siya dinha sa likod. Mrs. LewEllen ang iyang ngalan. Nagatoo siya sa tibuok niyang kasingkasing, kanang balatian sa tiyan mobiya na kaniya. Amen!

¹⁶⁷ Ania ang usa ka babaye nga nagalingkod sa tabok niya, nga nagalantaw mismo kanako karon, naglingkod dinha sa tumoy; naka-antipara siya. Aduna siya'y arthritis. Anaa kini sa imong wala nga kamot; anaa kini kaganina, wala na kini karon. Oo, kung nagatoo ka!

¹⁶⁸ Unsa na man ang bahin nianang gamay nga bata, sa likod mismo dinha? Gikan pa kini sa Ohio; aduna siya'y kanser sa mata. Nagatoo ka ba nga ayohon kini sa Dios? Ayohon Niya kini, motoo ka lang niini. Taga-Ashland, Ohio! Magtoo ka karon nga ayohon kini sa Dios, buhaton Niya kini. Unsa kini? "Mas gamhanan, mas maabtik kay sa..."

¹⁶⁹ Ania nagalingkod ang usa ka babaye, may sa kung unsa nga miabot kaniya, aduna siya'y sakit sa abaga. Husto kana. Husto ba kana? Sige, toohi Kini, ug mawala na kini. Kita n'yo? "Ang Pulong sa Dios, usa ka Magtutugkad sa mga hunahuna ug sa mga katuyoan sa kasingkasing."

¹⁷⁰ Karon, walay mga prayer card karon sulod niining bildinga. Walay kinsa man nga igaampo...walay naghatag og unsa man nga mga prayer card. Wala kita nagagamit niini dinhi, gawas lang kung kinahanglan natong ipahigayon sa kahan-ayan. Gusto

ba ninyong maiampo? Pila ba kaninyo ang gustong maiampo samtang nga ang Pulong nadayag diha sa unod? Ipatindog ang mga anaa niining laray dinhi ug ipaagi sila sa niining direksyon, sa mismo niining pasilyo dinhi usà, dinhi mismo, kadtong gustong maiampo. Dayon, pagkahuman niana, gusto ko kining laray dinhi nga moanhi sunod kanila. Dayon pagkahuman nila, kini na usab nga laray dinhi ang moanhi.

¹⁷¹ “Mas maabtik, mas gamhanan, . . .” Mahimo ba kana sa espada nga duhay sulab? Dili, sir! Apan mahimo kini sa Pulong sa Dios. Ngano man? Pulong kini sa Dios. Karon, gatoo ka ba niini?

¹⁷² *The Great Physician!* Kon diin man kanang igsoong babaye nga gikan sa—nga taga-Tennessee, Igsoong Ungren, o Downing? “The great Physician now is near.”

¹⁷³ Dili ko gayud mahikalimtan kana, niadtong gabii didto sa Fort Wayne sa diha nga kadtong gamay nga babayeng Amish o Dunkard nagalingkod didto, nga ginatugtog kanang, “The great Physician now is here,” pagkadungog niya nga naayo kadtong luoy nga batang lalaki, milukso siya, miabot ang Espiritu Santo diha kaniya, mibuhayhay sa iyang mga abaga ang matahum niya nga buhok, ug walay ni usa ka tikla sa piano ang wala matugtog. “The great Physician now is near, the sympathizing Jesus.” Supernatural nga gahum ang nagpatugtog niadtong mga tikla sa piano, nga mitugtog og “the great Physician now is near.”

¹⁷⁴ Tan-awa n’yo, kamo . . . Kamo ba’y nagatoo? Kinahanglan ba gayud? Kita n’yo? Karon hinumdumi, pagnagaagi kamo . . . Karon, kon wala ka nagatoo niini, ayaw pag-anhi, lingkod ka na lang. Mag-ingon, “Dili ko buhaton kini. Dili ko gustong masayup niini. Pagmoanha ko, kinahanglan toohan ko.” Sa dihang akong . . .

¹⁷⁵ Nag-ingon ang Biblia, “Kini nga mga ilhanan maganunot kanila nga nagatoo. Kon ipandong nila ang ilang mga kamot sa mga masakiton, mangaayo kini.” Husto gyud kana. Karon, napailalum kana sa mga kundisyones, “kon toohan mo Kini.” Karon, gatoo ako niini. Gipamatud-an na kini sa Dios kaninyo, nga gatoo ako Niini. Nakita n’yo? Iyang ginahimong-dayag ang Iyang Pulong, aron ipakita nga Iya kining Pulong. Usa ka katumanan sa Kasulatan, aron pamatud-an nga mao gyud kini. Karon, toohan mo kini pagnagaagi ka. Buhaton mo ba kini? Ug dayon sa diha nga ipandong ko ang akong mga kamot diha kanim, . . . eksaktong ingon niana ang gisulti sa Biblia.

¹⁷⁶ Aduna ka ba’y panghaplas nga lana dinhi, Igsoong Neville? Kuhaa kana, ug duol ka dinhing dapita, ato lang tumanon ang Kasulatan. Anhi ka niini nga dapit dinhi, ug haplasan ang kada tawo samtang nagaagi sila, ug iampo nato sila. Karon, aron nga masigurado ko, nga maiampo ko ang pag-ampo nga may pagtoo para sa matag usa kaninyo, hangyoon ko ang tanan nga ipandong

ninyo ang inyong mga kamot sa usa'g usa nga mga magtotoo. Mag-inabotay lang, ug magpinandongay kamo og mga kamot. Dinhi nato mahibaloan ang usa ka butang sulod sa pipila ka minuto.

¹⁷⁷ Makita ko kung unsa na ka mausbawon ang akong iglesia, bahin sa kung unsay among ginatoohan; makita kung unsa na ka mausbawon ang mga tawo; kung unsa na sila ka andam sa paggamit sa maong Espada ug mogawas didto sa natad sa pakig-awayan, nga nagaingon, "Ginahagit ko ikaw, Satanas. Kita n'yo? Ginahagit ko ikaw! Dili mo—dili mo na ako mahimo pang dili-ipatoo." Para man sa unsang mga butang kini ginabuhat? Aron nga ang mga tawo magtoo. Kini mao ang Pulong. Dinhi kon diin ginapakita kaninyo nga ang ginawali ko kaninyo Kamatuoran, ang Pulong. Ang Pulong nga nahimong unod, nahimong unod diha kaninyo; nahimong Pulong; nahimong Kinabuhi diha kaninyo, nahimong Kinabuhi kanako. Kita n'yo?

The Great Physician! Sige, atong iduko karon ang atong mga ulo.

¹⁷⁸ Ginoong Jesus, ang gamhanang Mananambal nga ania na duol kanamo, Ikaw mao ang Mananambal. Naiwali ko na ang Imong Pulong, ug ang Imong Pulong nagpahayag nga ania Ka karon; nga Ikaw mao ra sa gihapon kagahapon, karon, ug hangtud sa kahangturan; nga dili Ka mahimong mapakyas. Wala Mo gyud kami gipakyas, Ginoo. Ug karon, tugoti nga ang matag usa sa niining mga nagpandong sa ilang mga kamot sa usa'g usa, hinaut nga ang panalangin sa Dios magapabilin diha kanila. Ug sa diha nga nagaduol kami, mga magtotoo sila. Ug samtang nga ginahaplanan namo sila sa lana, ako ug ang pastor, ug sa nagaagi sila, hinaut nga ang matag usa nga moagi dinhi may pagtoo aron motoo niini, aron mahibaloan nga ang mismong Dios sa Langit ania dinhi karon. Hinaut nga iyabyab sa matag usa ang ilang kaugalingon. Mahimo ba bisan sa niining higayon lang, Ginoo? Tugoti lamang sila . . . ipatuhop gyud kini, Ginoo, sa makausa lang. Ablihi ang ilang mga mata, Ginoo, aron nga makita nila kung unsa na ang nagakahitabo, ug dili nga mamahimong buta, nagasarasay, kondili nga makita ang maong realidad sa Presensiya sa nabanhaw nga si Jesus Cristo. Itugot kini, Ginoo, pinaagi sa Ngalan ni Jesus. Amen.

¹⁷⁹ Ginamando ko sa inyo sa Ngalan ni Jesus Cristo, nga dili na kamo moanhi sa linya gawas lamang kon nabati ninyo nga aduna kamo nianang Hingpit nga Pagtoo, tungod kay agawon lang ninyo ang ilang kahigayonan, kahigayonan sa uban. Ayaw gayud buhata kini! Ug sa . . . sa kadugay ko nang miwali kaninyo, aduna ba ko'y gisulti kaninyo nga usa ka butang kondili kadto lang ang mga nangahitabo? Eksakto gayud! Ang Ginoo ang naghimo niadto. Wala Niya kadto gibuhat para kanako, sa pagtoo ko. Gibuhat Niya kadto para kaninyo, aron nga mahimong motoo kamo nga kung unsa man ang ginasulti ko

kaninyo Kamatuoran. Karon toohan ninyo kini, mamahimong okey na kini, ug kini. . .mamaayo kamo. Pag-agi ninyo dinhi, isalikway ang inyong mga dili-pagtoo sa mismo niining. . .usa ka espirituwal nga bulsa dinhi. Dili ninyo makita kini, apan anaa kini dinha. Pag-nahaplas na kana nga lana kaninyo, isalikway mismo dinha ang inyong mga dili-pagtoo. Ideposito kana dinha ug lakaw nga may Hingpit na nga Pagtoo nga mamaayo ka. Mahimo mo bang buhaton kini? Panalanginan ka sa Ginoo, kung ingon-ana.

¹⁸⁰ Sige, gusto kong mohangyo kang kinsa man nga makapanguna kanato sa pagkanta, aron lang. . .Asa na kadtong halangdong magwawali, igsoon, kadtong. . .? Unsay iyang ngalan? Capps, Igsoong Capps. Anaa ba siya dinha sa linya? Unsa kana? Ari ka, Igsoong Capps, ug tindog ka dinhi ug mokanta (ang kongregasyon) samtang nga nagaampo kitang tanan, “The great Physician now is near.”

¹⁸¹ Samtang nagapanguna sila niini, magkanta ang matag usa karon sa tibuok niyang kasingkasing. Dili nga basta lang mokanta, moingon, “Mokanta lang ko og, ‘Great Physician now is near, sympathizing Jesus. Speak, drooping hearts to cheer, sympathizing Jesus.’” [Gipanig-ingnan ni Igsoong Branham ang usa ka pagkanta nga walay-pagbati—Ed.] Oh, oh, oh, sus!

¹⁸² Ibuka gyud ang inyong baba! Magbantay gayud. Mahadlok sa Pulong. “Oo, the great Physician now is near, the sympathizing Jesus!” Ginapamatud-an Niya nga ania Siya karon! Nagatoo ako Kaniya. Amen.

¹⁸³ Sige. Tugoti ang. . .Ipaanhi na sa atubangan ang kadtong mga adunay pagtoo.

¹⁸⁴ Diha sa Ngalan ni Jesus Cristo, akong ginapandongan sa akong mga kamot ang maong igsoong babaye para sa iyang pagkaayo.

Diha sa Ngalan ni Jesus Cristo, ginasaway ko ang maong balatian.

¹⁸⁵ Sa Ngalan ni Jesus Cristo, akong ginapandongan sa akong mga kamot ang akong igsoong lalaki, aron mamaayo.

¹⁸⁶ Sa Ngalan ni Jesus Cristo, pagapandongan sa akong mga kamot ang akong igsoong babaye para sa iyang pagkaayo.

¹⁸⁷ Diha sa Ngalan ni Jesus Cristo, akong ginapandongan sa akong mga kamot ang akong igsoong lalaki para sa iyang ikaayo.

Sa Ngalan ni Jesus, akong ginapandongan sa akong mga kamot ang akong igsoong babaye para sa iyang ikaayo.

Sa Ngalan ni Jesus, akong ginapandongan sa akong mga kamot ang akong igsoong lalaki.

Diha sa Ngalan ni Jesus Cristo, ginapandongan sa akong mga kamot ang maong igsoong babaye.

Diha sa Ngalan ni Jesus Cristo, akong ginapandongan sa akong mga kamot ang akong igsoong lalaki.

Diha sa Ngalan ni Jesus Cristo, akong ginapandongan sa akong mga kamot ang akong igsoong babaye.

¹⁸⁸ Diha sa Ngalan ni Jesus Cristo, ginapandongan sa akong mga kamot ang akong igsoong lalaki aron maayo.

Diha sa Ngalan ni Jesus Cristo, ginapandongan sa akong mga kamot ang maong igsoong babaye.

Sa Ngalan ni Jesus, ayoha ang akong igsoong babaye.

Sa Ngalan ni Jesus Cristo!

Sa Ngalan ni Jesus!

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Diha sa Ngalan ni Jesus, ayoha ang igsoon kong lalaki.

¹⁸⁹ Diha sa Ngalan ni Jesus Cristo, ayoha kining, akong igsoong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus!

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

¹⁹⁰ Sa Ngalan ni Jesus, ayoha ang igsoon kong lalaki. Hinaut nga mamaayo siya.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha kining, igsoon kong babaye.

- Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong lalaki.
- 191 Sa Ngalan ni Jesus, ayoha kining bata. Dios, itugot kini.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha kining gamay nga batang lalaki.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha kining gamay nga batang babaye.
- 192 Diha sa Ngalan ni Jesus, ayoha kining, igsoon kong babaye.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang akong igsoong babaye.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong lalaki.
- 193 Sa Ngalan ni Jesus, ayoha kining, igsoon kong lalaki, Ginoo.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha, Ginoo, ang igsoon kong lalaki.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, Ginoo...?...para sa kahimayaan sa Dios.
- 194 Alang sa pag-ayo sa igsoon kong lalaki, sa Ngalan ni Jesus. Biyai kini.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong lalaki.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha ang igsoon kong babaye.
 Sa Ngalan ni Jesus, ayoha kini nga bata.
 Sa Ngalan ni Jesus, ayoha kining igsoon nga babaye.
 Sa Ngalan ni Jesus, ayoha kining igsoon nga babaye.

195 Diha sa Ngalan ni Jesus Cristo, ayoha ang igsoong babaye.

Sa Ngalan ni Jesus, ayoha si igsoong babayeng . . . ? . . .

Sa Ngalan ni Jesus, ayoha ang igsoon kong babaye.

Diha sa Ngalan ni Jesus, Ginoo, ayoha ang among igsoong babaye.

Sa Ngalan ni Jesus, ayoha ang igsoon kong lalaki, himoa siyang ayo na.

196 Diha sa Ngalan ni Jesus Cristo, ayoha ang igsoon kong babaye, Ginoo.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha kining, akong igsoong babaye.

Sa Ngalan ni Jesus, ayoha kining gamay nga batang babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha kini nga bata.

197 Ayoha kini nga bata, Ginoo, sa Ngalan ni Jesus.

Ayoha kini nga batang lalaki, sa Ngalan ni Jesus.

Ayoha ang igsoon kong babaye, Ginoo, sa Ngalan ni Jesus.

Ayoha ang igsoon kong babayeng Collins, Ginoo, sa Ngalan ni Jesus.

Ayoha ang igsoon kong babaye, sa Ngalan ni Jesus.

Ayoha ang igsoon kong lalaki, sa Ngalan ni Jesus Cristo.

Ayoha ang igsoon kong babaye, sa Ngalan ni Jesus.

198 Ipanghulog na ang inyong mga dili-pagtoo karon.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

199 Ipanghulog na ang inyong mga dili-pagtoo karon. Agi na. Dawata ang Hingpit nga Pagtoo.

Sa Ngalan ni Jesus, dawata kini. Hinaut nga mahimo kini.

Sa Ngalan ni Jesus, itugot kini, Ginoo.

Sa Ngalan ni Jesus, itugot kini, Ginoo.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye, Ginoo.

Sa Ngalan ni Jesus, ayoha ang igsoon kong! . . . ? . . .

Sa Ngalan ni Jesus, ayoha kini.

Sa Ngalan ni Jesus, ayoha ang igsoon kong babaye.

²⁰⁰ Panalanginan ka, igsoon. Sa Ngalan ni Jesus, ayoha si Igsoon nga lalaking Cox, Ginoo. Dalaygon ang Dios!

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

²⁰¹ Karon, hinumdumi, gigamit ko na ang tanang pagtoo nga mahimo ko, niini, para niining katuyoan.

Sa Ngalan ni Jesus, ayoha kining gamay nga batang babaye.

Sa Ngalan ni Jesus, ayoha kining igsoong babaye.

²⁰² Dios, akong ginapandongan sa akong mga kamot ang maong bata. Aron nga mamaayo kini, sa Ngalan ni Jesus. Amen.

Sa Ngalan ni Jesus, ayoha ang gamay nga batang babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha kining igsoon kong lalaki.

²⁰³ Kini ba nga batang babaye? Ginabayaw ko sila Kanimo. Diha sa Ngalan ni Jesus Cristo, ayoha sila, Ginoo, para sa Imong kahimayaan.

Sa Ngalan ni Jesus, ayoha ang among igsoong babaye.

Sa Ngalan ni Jesus, ayoha ang among igsoong babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang gamay kong igsoon nga batang lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

²⁰⁴ Sa Ngalan ni Jesus Cristo, ginapangayo ko ang iyang pagkaayo.

Sa Ngalan ni Jesus, ayoha ang igsoon kong babaye, Ginoo.

Sa Ngalan ni Jesus, ayoha ang gamay kong igsoon nga batang lalaki.

Sa Ngalan ni Jesus, ayoha ang igsoon kong babaye.

Diha sa Ngalan ni Jesus Cristo, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

²⁰⁵ Diha sa Ngalan ni Jesus Cristo, ayoha ang igsoon kong lalaki, ang bata.

Sa Ngalan ni Jesus, ayoha sila, Ginoo.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong lalaki.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang igsoon kong lalaki.

Ayoha ang igsoon kong babaye, sa Ngalan ni Jesus.

Ayoha ang igsoon kong lalaki, sa Ngalan ni Jesus.

Ayoha ang igsoon kong babaye, sa Ngalan ni Jesus.

Ayoha ang igsoon kong babaye, sa Ngalan ni Jesus.

Ayoha ang igsoon kong babaye, diha sa Ngalan ni Jesus Cristo.

Ayoha ang igsoon kong babaye.

²⁰⁶ Ayoha ang igsoon kong babaye. Panalangini sila, Ginoo, para sa ilang . . . ? . . . sa Ngalan ni Jesus.

Sa Ngalan ni Jesus, ayoha ang igsoon kong babaye.

Sa Ngalan ni Jesus, ayoha ang among igsoong lalaki.

Sa Ngalan ni Jesus, ayoha ang among igsoong lalaki, Ginoo.

Diha sa Ngalan ni Jesus Cristo, ayoha ang igsoon kong babaye, Ginoo.

Sa Ngalan ni Jesus, itugot ang iyang hangyo.

Sa Ngalan ni Jesus, ayoha ang igsoon kong lalaki.

²⁰⁷ Ipanghulog na ang inyong mga dili-pagtoo. Pag-anhi mo, nga nagatoo karon, itugot kini sa Ginoo. Pag-anhi, nga nagatoo niini, ug itugot kini sa Ginoo. Nagatoo ako niini. Gigamit ko na ang tanang pagtoo nga nahibaloan ko. "Pandongan nila sa ilang mga kamot ang mga masakiton; mangaayo sila."

Sa Ngalan ni Jesus, ayoha ang igsoon kong lalaki.

Diha sa Ngalan ni Jesus Cristo, ayoha ang igsoon kong babaye.

208 Unsa kini nga talan-awon, Igsoong Neville? Si Igsoong Dauch, usa ka tropeo sa grasya sa Dios! Namatay na unta kini nga tawo, mga usa o duha na ka semana ang milabay.

209 Diha sa Ngalan ni Jesus Cristo, Dios, gihigugma Mo gayud siya, Amahan, kay namuhat Ka og dagkung mga butang para kaniya. Akong ginapandongan siya sa akong mga kamot, diha sa Ngalan ni Jesus Cristo.

210 Ginoong Dios, ibabaw sa bilihon niyang asawa, akong ginapandongan siya sa akong mga kamot, sa Ngalan ni Jesus Cristo, para sa iyang pagkaayo. Amen.

Mao na ba kana silang tanan?

211 Karon, atong iduko ang atong mga ulo karon.

The great Physician now is near,
The sympathizing Jesus;
He speaks the drooping heart to cheer,
Oh, hear the voice of Jesus.

Sweetest note in seraph's song,
Sweetest name on mortal tongue;
Sweetest carol every sung,
Jesus, blessed Jesus.

212 Nasayod ba kamo kung unsa ang gibuhat ko kaninyo? Gitawag ninyo akong, “inyong pastor”; ug maayo ang inyong pagtawag, kay ingon niana man ako. Kung ako, nga inyong pastor, gipaila ni Jesus Cristo, nga ginabuhat ko ang Iyang buhat, kung ingon-ana toohi ang akong Pulong. Sa paghimo ko niining buhat sa pagtoo, pinaagi sa pagpandong sa akong mga kamot nganha kaninyo, akong gihinginlan ang mga balatian ug sakit nga nagapaantus kaninyo. Toohi ninyo kana, aron maangkon ninyo ang inyong mga ginapangayo, bisan unsa pa kini, kay ang tanan mahimo ngadto kanila nga nagatoo. Ug sa diha nga nagaampo kamo, toohi nga madawat ninyo kung unsa ang inyong ginapangayo. Ug ginatoohan ko gayud nga nadawat ko na kini, ug sa akong kasingkasing ginadawat ko ang pagkaayo sa matag usa kaninyo, akong ginadawat kini, nga human na kini. Ginatoohan ko kini, ginatoohan ko kini sa tanan nga ania kanako. Usab, tungod nga napandongan na sa akong mga kamot kining mga panyo nga napahimutang dinhi, ginabantayan ko kini og ayo, nagatoo ako nga magapamuhat kini eksakto sa kung unsa ang gihangyo sa mga tawo. Akong—akong ginatoohan kini.

213 Paingon na kini ngadto sa nianang Ikatulong Pagbira! Ako—nagatoo ako niini. Karon gusto kong pangutan-on kamo sa sinserong pangutana, kamong mga miapil sa linya sa pagpaampo. Matoohan ba gayud ninyo, ug mabati sa karon, nga aduna gyu'y butang nga nahitabo diha kaninyo sukad nga napandongan kamo? Ipataas ang inyong kamot!...?....Tan-awa. Kini ang kung unsay atong gipaabot. Karon, dili kini...

Pasugod pa lang kini karon sa paglimbukad. Kita n'yo? Bag-ohay lang nasugdan . . . Gibuhat ko kini para sa usa ka katuyoan. Gibuhat ko kini sa usa ka katuyoan. Aduna ko'y ginahimo nga usa ka butang, kita n'yo, kini mao ang pagpakusog niini nga pagtoo ug magbalik sa sugod ug sugdan na usab; kita n'yo, aron nga maipataas ang pagtoo ngadto sa usa ka hugna kon diin nga dili ninyo mahimatikdan nga ingon niana kini kaniadto. Dili usa ka pagtoo, kondili usa ka Hingpit nga Pagtoo, patason kini gikan *dinhi*. Ug makita ang usa ka hingpit nga Dios, sa hingpit nga kasingkasing, nga ginatuman ang usa ka hingpit nga saad, pinaagi sa Iyang Hingpit nga Pulong, nga labi pang mahait kay sa espada nga duhay sulab ug usa ka Magtutugkad sa mga hunahuna sa kasingkasing. Unsa na? Paingon na kita karon ngadto sa kahingpitan, tungod kay ang mga tawo gikinahanglan nga moabot ngadto niining pagkaandam para sa Pagsakgaw. Mao kana ang nagapapugong mismo niini karon, ang paghulat nga kanang Iglesia moabot ngadto nianang Hingpit nga Pagtoo nga Makapasakgaw. Nagapaabot niini. Nagakahulogan kini og daghan pang mga pagtapyas kanako, nagakahulogan kini og daku para kaninyo, apan mahimo nato kini nga magkauban pinaagi sa grasya sa Dios. Amen.

The great Physician now is near,
The sympathizing . . .

214 Ginoong Jesus, panalangini ang bililhon kong igsoon. Hinaut nga ang Imong Espiritu Santo kanunay nga himoon siyang mapiskay, ug ipabilin siya nga may maayong lawas ug himsog, diha sa buluhaton nga Imo siyang gitawag. Sa Ngalan ni Jesus. Ako kining ginapangayo, Ginoo. Mahal ko siya. Amo kining ginapangayo. Nahibalo kami nga husto kini. Ginatoohan namo kini karon.

Sweetest carol ever sung,
O Jesus, blessed Jesus.

215 Gihigugma ba ninyo Siya? Hunahunaa lang: dinhi karon mismo, misugod na ang pagpanglihok diha sa inyong lawas, bahin sa inyong pagkaayo, tungod nga nagsaad Siya nga mahitabo kini. Ug karon, kita n'yo, nakuha ba ninyo kung unsa ang akong ginahisgotan karong gabhiona? Nasulbad ba ninyo ang tanghaga niini? Kita n'yo, "Kung *mag-ingon kamo* niining bukira," kita n'yo, dili magduhaduha, dili magduhaduha, kondili toohan kung unsay imong giingon. Karon bantayi kini, ubos pa sa lima ka minuto, nagpataas ang tanang kamot, nga misugod na ang pagpanglihok sulod kanila mismo karon. Oh, sus! Mao kana Siya. Mao na gyud kana! Unsa man kini? Ang Presensiya sa gamhanang Mananambal.

216 Oh, ipataas nato ang atong mga kamot ngadto sa Dios ug kantahon kini pag-usab.

The great Physician now is near,
 The sympathizing Jesus;
 He speaks the drooping heart to cheer,
 Oh, hear the voice of Jesus.

Sweetest note in seraph song,
 Sweetest name on mortal tongue;
 Sweetest carol ever sung,
 O Jesus, blessed Jesus.

²¹⁷ Maghilum lang kita sa kadali. Ato gayud Siyang simbahon diha sa atong kasingkasing. Hunahunaa ninyo kini: Ang Dios, ania Siya. Ania Siya karon. Kinsa? Kinsa ba ang nagpaila sa Iyang Kaugalingon ingon nga mao ang Pulong? “Sa sinugdan mao na ang Pulong, ug ang Pulong uban sa Dios, ug ang Pulong mao ang Dios. Ug ang Pulong nahimong unod ug nagpuyo ipon kanato, ang mao ra sa gihapon kagahapon, karon, ug hangtud sa kahangturan. Ang Pulong labi pang mahait kay sa espada nga duhay sulab, Magtutugkad bisan pa sa mga hunahuna ug mga katuyoan (kung unsa ang gianhi mo, kung unsay imong tuyo nga ania ka dinhi, kung kinsa ikaw)”; ang nagpaila kang Jesus Cristo nga mao ang Mesias, ug ginapaila Siya Niini karon ingon nga mao ang mao sa gihapon nga Mesias, kagahapon, karon, ug hangtud sa kahangturan.

²¹⁸ Ang maong Gamhanan nga Mananambal, Nga ania karon, Nga nag-ingon, “Kini nga mga ilhanan maganunot kanila nga nagatoo. Kung pandongan nila sa ilang mga kamot ang mga masakiton, mangaayo sila. Ug kung mag-ingon kamo niining bukira, ‘Pahawa ka,’ ug dili magduhaduha sa imong kasingkasing, kondili mahimong toohan kini.” Kon mahimo Niya ang pagbuhat og mga squirrel gikan sa wala, nga wala gayud dinha, o walay bisan unsa man didto nga mahimong toohan; ang kaugalingon kong pagtoo ang atua didto ug ang nagpahimo niadto, ang pagtoo ko diha sa kung unsay Iyang gihagit kanako nga pangayoon. Gihagit Niya ako nga pangayoon kadto. Ug gidawat ko ang Iyang hagit sa pagtuman sa Iyang Pulong, gihangyo ko kadto, ug mitungha kadto! Ang Dios sa Langit kabalo nga matuod kana. Dili ba Niya usab mahimong ayohon ang mga masakiton? Kon mahimo Niyang alsahon ako pinaagi sa pagtoo sa ingon niining paagi, bisan para sa mga tawo, bisan nga dili nila mahimong abton kana nga hugna. Kon dili nila mahimo kini, mahimo Niyang gamiton ang akong pagtoo. Mahimo Niya akong alsahon ngadto nianang dapita, ug ako ang moabot para kaninyo. Ako ang magatoo para kaninyo. Ako ang magasulti para kaninyo.

²¹⁹ Inyo akong igsoon, nagabarug ingon nga inyong igsoon, inyong manlalaban, nagapaninguha kutob sa akong mahimo nga dapigan kamo sa atubangan sa Dios. Ug nagatindog ako mismo dinhi atubangan sa Puting Trono karon, ug ginataya kanang. . . ginapunting ang akong tudlo sa direksyon nianang dugoong nga

Halad didto, ug nagapakigsulti pinaagi sa Iyang Ngalan nga nahimo na kini. Kinahanglan nga mahitabo kini, ug mahitabo gyud kini. Nasayod kamo nga nahitabo kini. Nasayod ako nga nahitabo gyud kini, mao usab kamo nga nahibalo nga nahitabo kini, ug ingon niana kini. Husto kana. Amen.

. . . the carol ever sung,
O Jesus, blessed Jesus.

Sweetest note in seraph song,
Sweetest name on mortal tongue;
Sweetest carol ever sung,
Jesus, blessed Jesus.

²²⁰ Ug ang mga yawa nagpailalum nga masinugtanon kanamo sa Imong Ngalan, pinakamatam-is nga Ngalan sa mga sinultihan sa tawo. Ang mga yawa. . .Kana—Kana ang nagpabanhaw sa mga patay, Kana ang nagpaayo sa mga masakiton, Kana ang naglimpyo sa mga sanlahon, Kana ang ang nagpagula sa mga yawa, Kana ang nagapahimo og mga Cristohanon. Wala na’y uban pa nga Ngalan sa silong sa Langit. Gikinabuhi ko Kini, gibautismohan ko diha Niini, nagatoo Niini, nagasimba diha Niini. Oh, himoa akong kabahin Niini. Tugoting mawala ang kaugalingon ko mismo; ug makaplagan kini, Ginoo, diha Kanimo, Kanang Ngalan nga gitawag og Jesus Cristo, ang dinihogang Mesias, aron nga malahus ko ang pita sa pagkadili-matinoohon aron nga ireplektar ang katahum ni Jesus Cristo: ang mao ra sa gihapon kagahapon, karon, ug hangtud sa kahangturan.

²²¹ Ang Dios magapanalangin kaninyo karon. Pagbalik n’yo dinhi sa sunod nga Dominggo, magpamatuod kamo kung giunsa kamo pag-ayo, kung unsa ang nahitabo niining semana. Bantayi ug makita ninyo kung unsa ang mahitabo. Nahuman na kini! “Unsaon mo man pagkahibalo?”

²²² Giingnan Niya ako nga “isulti kini,” ug gisulti ko kini. Mao kana. Mao gyud kana. Nahuman na kini. Nagatoo ako niini. Karon, ang pastor, Igsoong Neville.

²²³ Kadiyut lang. [Usa ka igsoong lalaki ang nagasulti sa laing mga dila. Usa na usab ka igsoong lalaki ang nagahubad niini—Ed.]

²²⁴ Dalayegon ang Ngalan sa Ginoo. Atong ipataas ang atong mga kamot ug simbahon Siya sa kadali.

²²⁵ Ginapasalamatan namo Ikaw, Ginoo. Ginapasalamatan namo Ikaw, Ginoo. Salamat Kanimo, Amahan. Salamat, Amahan.

²²⁶ Ingon nga usa ka magtotoo, nahimatikdan ba ninyo ang kadugayon nga gisulti ang maong mensahe; ug ang ritmo sa pagkasulti niini, ug himatikdi ang pagkahubad niadto nga mao usab? Ingon niana kini. Tan-awa kung unsa kadto, eksakto sa

Mensahe; ug nagapamatuod nga ang maong butang mao ang Kamatuoran, nga Iya nang gibuhad kung unsa ang gisaad Niya kaninyo nga buhaton Niya. Tan-awa ang paagi sa pagkapahayag niadto, ug tan-awa ang paagi sa pagkahubad niadto. Tan-awa kung unsa *siya* kadugay nagsulti, ug tan-awa kung unsa ka daghan usab nga mga pulong ang *iyang* gisulti, kita n'yo, eksakto gayud.

Ang Ginoo magapanalangin kaninyo, hangtud sa sunod kong pagpakigkita kaninyo. Amen.



HINGPIT NGA PAGTOO CEB63-0825E
(Perfect Faith)

Kining Mensahe ni Igsoong William Marrion Branham, una nga giwali sa English niadtong Domingo sa gabii, Agosto 25, 1963, didto sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org